

醫方類聚卷之五十六

傷寒門 三十

朱氏集驗方

傷寒

雙解散解四時傷寒疫癘風溫濕溫不問陰陽二證表裏未辨發熱惡寒頭痛項強腰背拘急肢節疼重嘔吐喘嗽鼻塞聲重目睛眩疼煩躁引飲往來寒熱已經汗下病勢愈甚用藥錯誤壞證惡候及不伏水土山嵐瘴癘



婦人血虛發熱凡室女小兒老人並宜服之

人參 白朮 茯苓 升麻各一兩 乾葛

白芍藥 甘草各一兩半 陳皮不去白二兩 香附子

炒去毛 紫蘇葉二兩半

右咬咀每服三錢水一盞生薑五片棗二枚煎七分通口服如要出汗加葱白三寸淡豉十四粒連投二三服略以被覆汗出立効不拘時如春夏加藁本白芷各一兩此乃四君子湯升麻湯香蘇散合百為一

四君子湯主氣升麻湯解肌發散退熱解表香蘇散助二藥之表裏此藥性稍涼有熱者宜服之居南方瘴地或冬多愆陽當併服取効若體怯有寒及壞證已虛者恐亦難用大抵有虛寒人只服人參多亦能助寒有實熱人只服白朮多亦能增熱此藥內有乾葛升麻香附子之類性寒為多自當審之

防風散治頭痛壯熱惡風百節酸疼肩背拘

急而赤虛煩聲重咳嗽

厚朴姜製 陳皮 甘草炙 蒿本各叁兩 獨活

防風 桔梗炒各三錢 蒼朮枰去皮四兩

右細末每三錢水一大盞薑三片棗二枚

煎七分溫服沸湯點服亦可春夏用之

羌活散治四時傷寒頭疼鼻塞或流清涕項

背拘急惡風自汗

柴胡四兩 白芷 川芎 蒿本各一兩 桔梗

甘草 獨活 羌活各半兩

右咬咀每服三錢水壹盞半葱薑煎七分熱服

白芷散治傷寒鼻塞出清涕出百壹方

香白芷一錢 荆芥一錢

右為末臘茶清調下薄荷壹錢尤佳

羌活散治男女感冒不問陰陽皆可服

柴胡二兩 粉草半兩 羌活 川芎 白芷各一兩

右為末葱湯酒任下

神應散治四時瘟疫傷寒

茯苓 甘草 黃芩 地骨皮

右各等分白水煎服不過數服而愈宣和

間王煥疫疾神以王有陰德以此方授之

蒼朮散截四時傷寒疫疾

蒼朮半斤 麻黃一兩半 杏仁二兩 甘草二兩

炒

右為細末每服三錢沸湯調服無時候

管見大全良方

解傷寒萬金散善截四時傷寒不問陰陽服

之十愈十百愈百和表裏其効如神

苦梗去蘆 川芎 前胡去蘆 蒼朮泔浸切焙

甘草炙 獨活去蘆各 枳殼去穰麩

右咬咀每服三錢重水一大盞生姜三片

煎至八分去滓熱服無時候併進三服汗

出即愈

芎芷香蘇散治四時瘟疫傷寒發熱頭痛項

強百節酸疼又療傷風咳嗽聲重鼻流清涕

腰背拘急陰陽木分並皆治之

香附子炒去毛 紫蘇各參兩 陳皮去白 川芎 白芷各二兩 甘草炙一兩

右咬咀每服三錢重水一大盞姜三片棗一枚煎至七分去滓無時熱服

玉屏風散治男子婦人腠理不密易感風邪令人頭目昏眩甚則頭痛項強肩背拘倦噴嚏不已鼻流清涕續續不止經久不愈宜服此藥

防風去蘆一兩 黃耆去蘆炙 白朮各二兩

右咬咀每服三錢重水一盞棗一枚煎至七分去滓熱服食後

加减小柴胡湯古聖用小柴胡者為傷寒三四傳少陽膽經半在表半在裏受病之設夫少陽受病其證胃脇痛耳聾口苦舌乾往來寒熱而嘔者是其證也

人參去蘆 北柴胡去蘆 黃芩去心 甘草炙各一兩 半夏泡十次切一兩一分

右咬咀每服五錢匕水一盞半生姜四片

棗三枚煮取八分去滓無時溫服咳嗽者
去人參大棗生姜加北五味子二兩乾姜
半兩煎元祐二年時行無少長皆咳服此
皆愈若脇下滿痛者去棗每服加煨過牡
蠣半錢重煎服若腹痛者去黃芩加芍藥
一兩半煎服此一證最驗尋常腹痛亦療
婦人經脈適行或適斷寒熱如瘧晝日明
了暮則譫語如見鬼狀此爲熱入血室宜
小柴胡湯每服加生乾地黃一兩煎服若

心下悸小便不利者去黃芩加赤茯苓二
兩若不渴外有微熱者去人參加桂枝一
兩半若胃中 不嘔者去半夏人參加枳
樓實一枚用四分之一若渴者去半夏更
加人參三分枳樓根貳兩石守道用此藥
煎成沉冷服療伏暑發熱大効蘇沉二內
翰云以小柴胡湯加人參煎服療赤白痢
疾真有神効大抵此藥能解暑毒故也又
云其中有五證最爲的當服之必愈一者

身熱心中逆或嘔吐者可服二者寒熱往來者可服三者發潮熱者可服四者心煩脇下滿或渴或不渴皆可服五者傷寒差後更發熱者可服此五證但有一證更勿疑便可服服之必差若有三兩證已上用之更的當也今人不審已上疾證不問陰陽表裏冷熱虛實皆令服之因此夭枉者多矣朱奉議云近時多行小柴胡湯不問陰陽表裏皆令服之此藥差寒不可輕用

病不相主當其爲害一也往往因服小柴胡湯而成陰證者其多仲景雖云傷寒中風有柴胡證但見一證便是不必悉具此爲是陽證當服小柴胡不必陽證悉具耳古人方治審諦如此後人妄投良可怪也
桂枝麻黃各半湯

桂枝八錢芍藥 甘草 麻黃去節杏仁

拾貳枚
去皮尖

右咬咀每服抄五錢匕姜四片棗一枚水

盞半煮取捌分去滓溫服

異功五積散說

異功五積散古人以此療太陰脾經傷食傷濕之證夫受濕之證一身盡痛發熱身黃小便不利大便反快是其證也但依本方煎服愈如傷食之證亦能令人頭疼發熱惡寒而身不疼左手脉平和氣口脉緊是其證也依本方煎服愈又療孕婦臨產艱難加醋少許煎服如產後憎寒發熱如瘧腹中時痛者亦

加醋少許煎服愈或感風寒冷濕霧露之氣憎寒發熱身體腰足痛痺或氣宇不調有似癱瘓或感寒濕腰足疼痛不能履地並宜加麝香煎服陰經脚氣發動加檳榔木瓜煎服痛甚者更加全蝎煎服局方治狀云此藥調中順氣除積冷化痰飲况調中者中分屬脾化痰者痰乃脾之液除積冷者非中寒冷者不宜服之今人纔有感冒發熱頭痛不問陰陽表裏虛實例皆投之自此天枉者衆矣可

不戒哉

蒼朮

汭浸二十四兩

苦梗

去蘆二兩

陳皮

去白

麻黃

去節

枳殼

去穰麩炒別入各六兩

厚朴

去粗皮姜汁製

乾薑

各四兩

甘草

白芷

茯苓

去皮

當歸

去蘆

白芍藥

川芎

半夏

泡七次切別入

桂心

別入各

右咬咀除桂心枳殼慢火炒令黃色就木

盤中攤冷或為細末每服三錢水一盞姜

三片煎至七分去滓溫服傷濕咳嗽加棗

煎感寒腰痛加桃仁煎

柴胡桂薑湯治寒瘧寒多微有熱或但寒不

熱亦治勞瘧

柴胡

去蘆四兩

黃芩

桂枝

各一兩

牡蠣

煨研

甘草

炙乾薑

炮各一兩

括樓根

二兩

右咬咀每服五錢匕水盞半煎至一盞去

滓溫服初服微煩汗出愈

四獸湯治五藏氣虛喜怒不節勞逸兼并致

陰陽相勝結聚涎飲與衛氣相搏發為瘧疾

兼治瘴瘧最有神効

半夏泡七次 茯苓 人參 白朮 草菓仁

橘紅各一兩 甘草半兩 大棗 生姜各一兩

右咬咀以塩少許淹食頃厚皮紙裏以水濕之慢火炮令香熟焙乾每服半兩水二盞煎至六分去滓未發前併進數服常服溫中快膈此藥無傑特之効但可為瘧疾愈後調理也

修月魯般經後錄

神朮煮散 山嵐瘴氣

甘草二兩 蒼朮四兩 厚朴四兩 石菖蒲二兩 藿香半兩

陳皮半斤一方無 菖蒲有香附

每服四錢姜棗同煎空心服本草稱江湖多氣耶理之藥氣則姜橘之屬也所為氣非指七氣而言也蓋南方地土卑濕依山則觸嵐氣近水則受濕氣况脾土脆弱之人易致感傷水濕原起變證百端此方得心傳之秘歷常試之蓋以橘紅為君蒼朮甘草厚朴為臣維霽香為使所以能辟嵐

氣去濕寒導滯氣益元陽故治雜病當行
 陽者必先若也其有感冒頭痛壯熱疑二
 之間蒸以葱鼓亦能溫散而愈如痰瘧加
 之半夏霍亂伴以五苓理氣則木香檳榔
 為使和血則以當歸四物相停腿膝痛以
 牛膝下部之痰炒以茴香治婦人諸氣則
 以枳殼桔梗湯藥味合之舉用斯為例妙
 在變通又當問其年壯老少察以深淺庶
 首尾相助賓主互用所投必如意矣

枳殼桔梗湯 感冒時氣

赤茯苓二兩 半夏二兩 枳殼 赤芍藥各二兩 桔

梗二兩 甘草半兩 白朮一方 加

每服四錢姜棗同煎余弱冠之年遊學山
 老醫師之門隨侍診候每至病家無問感
 冒時氣等證必先進此藥三二服往往輟
 愈設或不解亦獲少瘥功效不殊披詳此
 方品味行氣下膈快中焦開痞脹解寒邪
 和榮衛除煩悶治痰逆凡人榮衛受邪壅

滯不通故病日以加服此藥力至則正氣和諧自然邪除病瘥也予嘗以合神朮煮散通治婦人諸氣加白朮以治濕嗽如有痰者加當歸治婦人妊娠惡阻而不食者加竹茹調理病後虛煩不得卧者加解毒相停治傷寒熱或腹脹滿嘔吐或作痢者皆効臨病之際又在分初中末劑而籌策焉斯可為造化之妙也

六神通解散 治疫表汗

麻黃一兩 石膏 滑石 黃芩各二

兩 蒼朮四兩

一方用防風一兩 去麻黃

每服五錢姜五片葱五根豆豉五十粒連三服人感四時乖戾之氣而為病者通為之傷寒又謂之疫疾蓋襍病之比其為害之大死生在六七日之間故名曰大病俗諺汗病者受汗之熱病也內經曰人之傷於寒也則為熱病又曰夫熱病者皆傷寒

之類也前三日巨陽陽明少陽受之熱也在於表汗之則愈後三日太陰少陰厥陰受之熱傳於裏下之則愈此大略言之耳大法邪熱在表則汗之邪熱在裏則下之熱在上則吐之熱在下則洩之邪熱半在表半在裏則和解之證有隨脉升沉以汗下之不可拘以日數陰陽六經傳授自淺至深皆是熱證非有陰寒之證也古聖訓陰陽爲表裏惟仲景深得其旨朱氏活人

書將陰陽釋作寒熱此差之毫釐失之千里者也後有著述之者但輔翼其說竟無是正出方既多其惑愈甚致使閭里之間罹天在歲之痛令人遠想慨然一作憮而已近代河澗先生獨取內經靈樞諸篇運氣造化之理推之明爲熱病誠非寒也辛涼普解之方三日以表之證煎以葱豉涌而汗之立雪所苦縱不痊瘥亦可少瘳所謂熱證亦不復作候六經傳畢微下而已

真濟世無窮之惠也又戴人治法凡解利傷寒時氣疫疾當推之地有南北時有寒暑人有旺衰脉有浮沉劑有溫涼服有多少不可差誤夫內熱外寒宜辛涼外熱內寒宜辛溫推古人謂有汗者當解肌無汗者當發汗如遇病輕當和其榮衛以通津液令其自解也雖然傷寒傳變種種不同有首尾止在一經或間傳一二經不可以一理推之憑脉與外證觀之汗此活法也

大抵不可執方療病須是隨證輕重加減湯液以治之此通解散治四時傷寒解中外之邪病所傷最爲發汗之妙藥臨時將病對藥將藥對合病乃可令服中病則止不必盡劑雖非古法乃隨時權變之方也服之中病無失辛涼如通聖散涼膈是也辛溫如升麻葛根之類是也但傷寒有諸不可汗下證當詳斷之或表熱極甚身疼頭痛不可忍脉洪燥裏已有熱發表不開

則陽熱暴甚故不宜汗裏熱勢甚若吐下之則表大熱乘虛入裏則成結胃等病必危殆此屬火劑湯應汗下後不解之證可以意料通用諸方也襍病同法

柴胡 人參 當歸 黃芩 甘草 大

黃 白芍藥 各等分

又方崔宣武增入半夏五味子桔梗各三錢姜同煎 傷寒身熱為熱在表引飲或

小便黃赤熱在裏身熱引飲或小便黃赤為表裏俱熱身涼不渴小便清白為表裏俱無熱身疼拘急表熱惡寒而脈浮者皆為熱在表引飲譫妄腹滿實疼發熱而脈沉者皆為熱在裏胃脇痞痛或嘔而寒熱往來脈在肌肉者邪熱半在表半在裏也劉河澗論寒熱往來脈在肌肉者以表熱裏和則發寒裏熱表和則發熱邪熱在半表半裏出入進退無常寒熱往來陰陽相

勝也畜熱陽寒戰者表之陽和正氣與邪
 熱并畜於裏脉道不行故身冷脉微而欲
 絕寒戰而反煩渴也此方雙解除表裏之
 熱解一切肌熱骨蒸積熱作癆及傷寒汗
 之不解下後熱未愈汗後勞復或骨蒸肺
 痿咳嗽婦人餘疾產後經病或婦人肌熱
 每遇交夏而舉發者多有之須加苦劑小
 半以退其熱病去為度至若脾腎損真陰
 虛肝心風熱鬱甚為諸熱證及中焦燥熱

毒藥所使者加天水散對停以姜棗煎宜
 令宣通氣血調順飲食久服之舊病除去
 新疾不生設虛人常服補益功驗不可盡
 述

連翹飲子 養陰退陽解熱毒 連翹梔子

和芩草 大黃薄荷芒硝攪

連翹 山梔子 薄荷 大黃 黃芩

甘草 各半兩一方 芒硝 二錢 一方加葛根

每服加竹葉藥五錢煎三五沸入蜜去查

溫服 劉河澗證 此方清利之劑也治
傷寒表不解半入於裏無問病之微甚下
證未全下後熱未愈者并兩感詣證或失
下熱極以致身冷脉微而昏冒將死者若
急下之則淺陰暴絕陽氣後竭而立死不
下亦死宜此藥養陰退陽畜熱漸以消散
則心胃腹暖脉道漸生乃以致脉復有力
者方可與以三一承氣湯微下之獲汗而
愈若下未愈者此藥調之及無問傷寒雜

病臟腑積熱一切風熱壅滯而爲諸證兼
小兒斑疹未出與驚積熱似傷寒不能辨
別者或熱甚已出不快或熱極黑陷腹滿
喘急小便赤澀而將死者用此藥最妙或
傷寒雜病懊懣心煩者及諸逆衝上者婦
人經後淋瀝者尋常得効若退表裏熱須
加天水散去熱止嘔遠甚勝小柴胡也傷
寒愈後亦宜少少服之使邪熱不能再作
也其餘加減臨時消息

既濟解毒湯 解熱毒

黃連 黃栢 黃芩 大梔子 各等分 一法

加半夏 錢二 白茯苓 厚朴 各五錢

此大倉公火劑湯也去聖久遠世俗不知自守真子和二師出始表而出之專解傷寒雜病一切大熱毒狂燥煩悶乾嘔口燥呻吟喘滿及汗下吐後寒涼諸藥不能退熱熱之甚者或諸濕熱內餘下利不止熱不退者或因大下後濕熱利不止熱不退

脈弱氣虛不可更下者或濕熱內餘小便赤澁大便溏洩數少而急痛者必欲作痢也並兩感諸證同法並服本方一劑未知再服如血痢加地榆要解痢加枳殼紫蘇欲微下加大黃或畜熱內甚陽厥極深以致陽氣怫鬱不能營運於身表四肢以致變身清冷痛甚不堪項背拘急目赤睛疼昏眩恍惚咽乾或痛燥渴虛汗嘔吐下痢腹滿實痛煩冤悶亂喘急鄭聲脈雖微數

以其畜熱極深而脈不利乃致脈細沉而欲絕俗未明其造化之理而妄傳爲寒極陰毒者或始得之陽熱暴甚便有此證者或兩感熱甚者通宜加三一承氣湯下之熱不退者在下之熱結極深而諸藥數下畢竟不得利不救必死者此法加益腎散末壹錢匕下之吐利爲効或但自極結胃中心胃高起腹雖不滿但喘急悶亂譫妄昏冒關脈沉數而緊者尤宜此法急下之

得吐愈佳若感六氣之邪而爲諸利者須此爲主治微加辛熱佐之設若勢惡頻併窘疼或久利不愈者當下以開除濕熱痞悶積滯而使氣而宣行者宜加法二端以逐之續以淡滲之藥調之復不止者常行緊澁舟車之劑勿拘俗法又予常以此藥末之以水爲丸衣以辰砂臨卧新水送下平心爲最要併治積熱虛勞尤良慎勿以方示人非徒駭之亦又謗也

人參石膏湯 自汗

人參半兩知母半兩甘草一兩石膏四兩粳米八錢
每服五錢水煎三服併進 此方治傷風
自汗脉在肌肉者中暑自汗脉氣虛弱不
可汗下者或傷寒大發汗汗出不解及無
汗而脉尚浮者或傷寒自汗脉滑數而實
表裏俱熱脉沉浮皆得有力而數身熱頭
痛煩渴腹滿小便赤澁者或三陽合病腹
滿身重難以轉側口燥面垢譫遺溺若悞

發汗倘則譫語轉甚卜之額上生汗後必
發黃或厥逆自汗是胃熱越者或裏熱而
脉厥者或下證未全者或表熱而脉厥者
兼和解兩感傷寒此方最解痛并止自汗
雜證時疫發斑并諸虛煩熱並宜服之及
夫小兒瘡疱發喘者必死須煎此藥令冷
服之而勿輟人參止喘故也或言立秋後
不宜服此非也假如秋深發瘧中暑而得
之此方大解暑毒既有此證豈可問以秋

冬乎瘡疱癩疹丹癩者皆火用也是肺金不及也故子和戴人曰白虎加人參一日不可闕也或傷寒大發汗汗出不解及無汗而脉上浮者白虎加蒼朮再解之無問中暑傷寒風熱雜病及傳染時疫本非外傷風寒脉便不浮而自汗頭痛欲作汗病者亦服此湯加蒼朮解之無汗宜天水涼膈散而愈其不解者滴其表裏微甚但隨證施治無問四時諸藥倣此

淡滲二苓湯

亦名五苓散

中濕

瀉澤

一兩滑石二兩

赤茯苓

白朮

猪苓

一方桂二錢半

每服二錢姜棗三片燈心五莖煎熱服

劉河間重證此方分兩淡味滲洩之藥也凡春夏之交病似傷寒頭汗自山肢體疼重難於轉側小便不利此名中濕非傷寒也陰雨之後地氣卑濕或引飲過多遂成此證止宜多服此藥小便通利濕去則愈

矣以小兒吐覘欲作痢狀亦宜服之若誤作傷寒轉瀉發汗必不可救此初虞世之論也河間治傷寒風表證當汗而反下之不成結胃而但下利清穀不化表證尚在表熱而裏寒者也急以四逆湯溫裏和止裏和急以桂枝湯解其表也調胃承氣湯寒藥下之或本自表熱裏寒而自利同法若誤用巴豆熱藥下之而脇熱利不止者或表裏俱熱自利或嘔者宜以此方止利

而兼解表也或傷寒痞悶脈尚浮而惡寒者表未解也只服此藥雙解表裏甚良或痞惡寒而自汗出者或痞而煩渴小便不利者或痞而留飲濕熱下利者或已成痞而因藥利尚不止者以成其痞便誤下之其痞益甚嘔噦下利心煩燥者無問痞脈浮沉並宜生薑煎湯每調四五錢頻服或痞不已則腹亦實熱煩滿或譫妄而脈沉無他證也宜大黃黃連瀉心湯或用小陷

胃湯亦宜故攻痞不開者後當寒藥雙下
表裏之熱也或一切留飲不散水停心下
散水止渴並解兩感大陽少陰俱病與中
濕吐瀉昏燥或一切嘔瀉霍亂無問寒熱
及小兒吐瀉驚風無問急慢皆令宜服嗽
喘煩心不得眠卧者加阿膠半兩痞甚者
當下之愈也及夫傷寒欲發黃者本因熱
鬱極甚留飲不散濕熱相搏而發黃也宜
煎茵陳湯下此藥以利小便退其濕熱也

已黃者止茵陳湯利大小便也如傷寒日
深發熱如狂不解者小腹堅大便不利者
為有血當下之不可餘藥屬抵當丸隨實
而取之也

三一承氣湯 下藥兼三承氣

甘草兩 枳實 厚朴 大黃 芒硝各半兩

右為咬咀入當少許薑煎至七分內硝一
二沸去查溫服以四物相停名玉燭散
此方河間先生所製通治大小調胃三乙

承氣大法表證罷熱傳于裏則宜下之熱除卽愈宜調胃承氣也若實下熱極則危而死矣表病裏和則當汗之熱洩身涼則愈矣若反下之則表熱乘虛入裏而成結胃之類或表熱半傳於裏半向在表則不可下宜黃龍湯加半夏及天水涼膈之類和解之或表裏兩證熱勢俱甚而和解之不能已者雖邪氣在半表半裏法寒熱往來以其表裏熱勢俱甚故以不惡寒而但

惡熱者宜大柴胡湯微下之通除表裏之熱也或誤用調胃承氣止能攻裏不能除其表熱或用小承氣湯多攻裏少除表熱乘虛入裏皆能爲害也其大柴胡湯證勢更甚者宜大承氣下之設或未愈而或又有表之微淺邪熱入於裏以其厚朴枳實之類善開結滯而不成結胃之類諸證也緩下急下善開發而解鬱結可通用三一承氣最爲妙也蓋大黃苦寒而通九竅二

便除五臟六腑積熱芒硝鹹寒破痰散熱
潤腸胃枳實苦寒爲佐使散滯氣消痞滿
除腹脹厚朴辛溫和脾胃寬中通氣四味
雖下劑有洩有補加甘草以和其中通治
三一承氣湯證於効尤速無可害也然以
甘草之甘能緩其急結濕能潤燥而又善
以和合諸藥而成功是三承氣而合成一
也善能隨證消息但用此方則不須用大
小承氣并調胃等方也一法無問風寒暑

濕有汗無汗內外諸邪所傷但有可下諸
證或表裏兩證俱不見而日深但目睛不
了睛不和者或腹滿實痛者或煩渴或煩
燥或譫語喘滿者或畜熱極深而將死者
或裏熱燥甚腸胃怫鬱留飲不散脘腹高
起疼痛不可忍但嘔冷沫大渴喘急悶亂
而欲死者通宜此湯令熱服之須臾得汗
而解或風熱燥甚客於下焦而大小便澀
閉澀不通蓋風木能勝濕土火熱用耗水

溢因而燥則聚斂堅澁結滯不通致風熱
煩甚於下焦則糞結硬腸又緊斂其燥濕
不能離并膀胱燥鬱不能滲洩故不通也
最宜此藥兼用下取法蜜導煎是也及傷
寒結胃雖脈浮而裏勢惡雖可下者宜此
湯一服分作三次約三時許服訖得利甚
良雖未利稍減脈必漸沉病微者止用此
藥半服投而下之裏熱甚者以大陷胸湯
半服投而下之謂有前藥之力也二方之

藥性相反或勢惡者故意以甘草激甘遂
使開發峻疾而爲効速矣或但似結胃無
大段熱證但頭汗出而脈沉潛交於骨者
積飲以成水結胃也通宜大陷胃湯小結
胃者心下按之則痛脈浮滑無大段熱證
此亦下之早可熱結心胃也以熱微於大
結胃而甚於痞故因熱之微甚而異名也
及水結胃者通宜小陷胃湯凡此三結胃
證近用鶴頂丹甚捷或表裏兩感表裏熱

甚可下者並三一承氣湯量病之微甚戴損多少以利爲度故在人以承氣和姜煎治中痞氣不大便者下五七行殊不困乏次日必神氣快膈空食進或下食積及急攻結滯者調下輕粉一字利之目疾咽喉口瘡瘡瘍班疹加涼膈下死胎加之天水散也○宣明論治傷寒雜病內外所傷日數遠近腹滿咽乾煩渴譫妄心下按之硬痛小便赤澁大便結滯或濕熱內甚而爲

滑泄熱甚喘咳悶亂驚悸狂顛目疾口瘡舌腫喉痺癰瘍陽明胃熱發班脉沉可下者小兒熱極風驚潮搐煩喘昏塞并班疹黑陷小便不通腹滿欲死或班疹後熱不退久不作痂或作班癰瘡癬久不已者怫熱內成疹癍堅積黃瘦瘧疾久新卒暴心痛風痰酒隔腸垢積滯久壅風熱暴傷酒食煩心悶亂脉數沉實或腎水陰虛陽熱獨甚而僵仆卒中一切暴音不語一名畜失音

熱內甚陽厥極深脈反沉細欲絕或表之
 冲和正氣與邪熱并之於裏則裏熱亢極
 陽極似陰反為寒戰脈微而絕或風燥燥
 甚客於下焦而大小便澀滯不通者或產
 婦死胎不下及兩感表裏熱甚須可下者
 大黃兩芒硝兩厚朴兩枳實兩甘草
 一兩右剉如麻豆大水壹盞半生薑三片煎
 至七分內硝煎二沸去滓服咀每服一兩
 水二盞生薑叁片煎至一盞去滓
 通服不拘時內芒硝再煎一沸

當歸承氣湯

當歸 大黃各一兩 甘草半兩 芒硝九錢

右三味煎水三分之一入硝內煎一二沸
 熱服 此方治諸燥之上藥也夫燥乾者
 肺金之本燥金受熱化以成燥澁也兼火
 熱制金衰耗液而損血鬱而成燥者由風
 能勝濕熱能耗液而成燥也仲景論傷寒
 論裏熱大甚而胃中乾涸煩渴者急以此
 下之數也若表熱裏和下之大早邪熱承

氣而入不必成結胃但為熱利不止滿鞭
或痛煩渴咽乾脉數而實諸腹滿實痛者
或煩渴小便赤大便硬或熱洩脉滑實而
緊甚俱宜此湯下之傷寒治法有諸不可
下證固在審詳及或一切雜病燥澁枯涸
而為病者然不分燥於外則皮膚皴竭痒
燥於中則精血枯涸燥於上則咽鼻焦乾
燥於下則便溺結閉夫燥之為病是陽明
化也水液衰少故如是通宜此湯下之但

以臨時審其臟腑六氣虛實明其標本如
法治之則已故戴人謂不可下者宜解毒
可謂下者宜瀉心茲乃玄微之旨也

傷寒直格

麻黃散

麻黃 一兩半去節湯泡 桂枝 一兩削去皴

甘草 半兩 杏仁 二十粒湯浸去皮尖

右判如麻豆大每服五錢匕 匕匙也為錢

水一盞半煎至八分濾去滓溫服 滓阻史切澀也

類聚五十六
類聚五十六
二十八

也詐衣覆以取微汗或溫病身煩痛小便自利者加白朮四分微汗之每二分二錢半也

益元散

一名天水散一名太白散

滑石

六兩白膩好者甘草一兩

右為細末每服三錢蜜多許溫水調下或無蜜亦可每時日三服或欲冷飲者新井泉調下亦得解利發汗煎葱白豆豉湯下每服水一盞葱白五寸豆豉五十粒煮取汁七分調併三四服以効為度此藥是寒涼解散熱鬱設病甚不解

多服無害但有益耳本世傳名太白散俗惡性寒葱易得之賤物而又不明素問造化之理故不取本草神驗之言而多不用焉若以隨證驗之乃凡人之仙藥也何可缺歟夫傷寒當汗則不可下當下則不可汗且如誤服此藥則汗自不出而裏熱亦獲不効亦有裏熱便得宜通而愈者也或半在表半在裏可和解而不可吐下發汗者若服此藥多愈或不愈亦小減加涼

膈散和解尤佳或自當汗解者更加蒼朮
 麤末三錢同葱豉煎湯調服尤良或孕婦
 不宜滑石麻黃桂枝輩發汗即用甘草兩
 蒼朮二兩同為麤末每服四錢水一盞葱白
 五寸豉五十粒同煎至六分濾去滓熱服
 併二三服取微汗是名逼毒散非孕婦或亦可服
 太白散加麻黃二兩去節如法煎服世云神
 白散或逼毒散如麻黃與蒼朮等分去節濟眾云
 青龍散或青龍散更加滑石末與蒼朮最二倍

為發汗之妙藥名曰大逼毒散此方在正

用誤服之則轉加熱也或解利兩感煎涼散調下

益元散四錢或下乳用猪肉麵羹粥飲之

類調下四錢不拘時候日三服及宜食肉

麵羹粥催產溫香油漿調下五錢并二三

服以產為度或死胎不下者煎三乙承氣

湯一服調下益元散五錢須臾更頻用油

漿調益元散溫服前後俱下而胎下可活

產母也凡難產或死胎不下皆由風熱燥

澁緊斂結滯而不能舒緩故產戶不得自然開通也此藥力至則結滯頓開而產矣後慎不可溫補而反生燥熱也俗未知產後亡液損血疼痛怖懼以致神狂氣亂則陰氣損虛邪熱大甚而為諸熱證由不讀素問不知造化故不識證候陰陽反以妄為產諸虛百損便為虛冷而無熱也誤以熱藥溫補或見煩渴者不令飲水本雖善心為害多矣豈治病之道但以臨時審其

藏府六氣虛實明其標本如法治之而已矣此藥泛常多用然須為効至大而俗以病異藥同將謂妄行反招侮慢今以黃丹加令桃紅色名曰紅玉散加青黛令輕碧色名碧玉散加薄荷葉一名雞蘇散主療不殊收効則一俗且懵然何能別此可遠妄梅可顯玄功後之學者其究心焉

桂枝湯

桂枝去芍藥

甘草

各等分三

分三

右判如麻黃大每服八錢水一盞半姜三片棗三枚擘破煎至七分令去滓溫服續後啜熱稀粥溫覆令徧身微汗或暖地及初夏可加黃芩一名陽旦湯大熱之分及素自熱人可再加知母牛兩石膏一兩為末或更加升麻分一禁生冷粘滑肉麵五辛酒酪臭物等 桂枝證反下之不成結胃及痞但腹滿証在者本方倍加芍藥大實痛者更加大黃兩半脈弱已自利者不加

桂枝加葛枝湯

桂枝 芍藥 甘草 各六錢 葛枝 一兩

右如桂枝湯服 謂如桂枝湯到煎服也下並做此

葛枝湯

葛根 一兩 麻黃 泡去黃汁焙 桂枝 去 芍藥

甘草 炙各半兩

右如桂枝湯服

大青龍湯

麻黃 如前製 石膏 為末各 桂枝 一分 甘草 炙

分杏仁十枚湯去皮尖雙仁

右剉如麻豆大抄五錢水一盞生姜三片棗二枚擘破煎至半盞瀘去滓溫服令身汗濕未潤再服

小青龍湯

麻黃如前製半夏湯先芍藥 細辛 乾薑

甘草炙桂枝去皴各三分五味子二錢

右剉麻豆大每服八錢水一盞半生姜四片煎至七分絞汁溫服渴者去半夏加括

萸根三錢微利去麻黃加薤花彈子大噎

者去麻黃加附子二錢炮以開佛熱結滯

小便不利少腹滿者去麻黃加茯苓四錢喘

者去麻黃加杏仁製如前法此方燥至溫散其

水以潤腸胃藏府之燥以開發中外之佛

熱結滯者也

小柴胡湯

柴胡去苗秤二兩黃芩 甘草 人葎各一分半

夏六錢炮夏七次

右剉如麻豆大抄五錢水一盞生姜三片
棗三枚切煎至半盞濾去滓溫服日三小
兒一服作三服諸藥法同

涼膈散一名連翹飲子

連翹一兩 山梔子 大黃 薄荷葉去毛 黃芩

各半 甘草一兩 朴消一分

右為麤末厚服二三錢水一盞蜜少許無

亦可舊用竹葉或亦不須煎至七分濾去滓溫服熱甚

者可服四錢亦有可服一二十錢者治咽

喉并涎嗽加桔梗一兩 京芥穗半兩 咳而嘔者

本方加半夏半兩 每服生姜三片煎鼻衄嘔

血者加當歸芍藥各半兩 生乾地黄一兩 淋者

加滑石四兩 茯苓一兩 風眩者加芎防風各半兩

石膏二兩 酒毒者加葛根一兩 斑疹豆瘡加

京芥穗亦芍藥川芎防風桔梗各半兩 三歲

兒可服七八錢或熱甚黑陷腹滿喘急小

便赤澁而將死者此一服更加大承氣湯

約以下之得利益甦 凡言加者皆自本

方加也但加者每服五七錢以意加減調理兩感傷寒下證前後以退表裏之熱者煎本方四五錢調下益元散三四錢其本方皆能治此諸證但加卽爲効速也

白虎湯

知母一兩 甘草一兩 粳米一合 石膏四兩
右剉麻豆大抄五錢水一盞煎至六分去滓溫服無時日三四服熱甚者服七八錢至十餘錢或眩或嘔或欬者加半夏兩 陳

皮半兩 每服用生姜三片煎服或傷寒發汗不解脈浮者加蒼朮半兩 名曰蒼朮白虎湯

或發汗或吐或下後煩渴口乾或脈洪大或微惡寒者或不可下者或除可者之藥外並宜加人參半兩 以調之名人參白虎湯

宜明論同

五苓散

猪苓去黑皮 茯苓 白朮各半兩 桂去皴一分 澤瀉

一兩

右為細末每服二三錢熱湯調下惡熱欲

冷飲者新水調下或生薑湯調下愈妙或

加滑石二兩甚或喘嗽咳煩心不得眠者更

加阿膠半兩

桂苓甘露飲一名桂苓白朮散

桂半兩茯苓 白朮各半兩甘草炙澤瀉 石

膏 寒水石各一兩滑石二兩製如前

右為極細末熱湯調下三錢欲冷飲者新

水調下或生薑湯調下尤良小兒服一錢

白朮散

白朮 茯苓去皮人葎 藿香葉淨各半兩甘草

炙一分木香一分葛根一兩半

右為細末白湯調下三錢若煩渴者加滑

石二兩病甚者為麤末每服壹兩半水一大

升煎至七合絞汁放冷從意續續飲之小

兒尤宜

四逆湯

甘草炙乾姜各一分附子半箇生去皮臍

凡用附子以半兩重者佳小者力弱大者性惡非稱處方之宜也世包美其大者未知古人之有則也

右剉麻豆大川水兩盞煮至一盞絞汁分溫二服強實人二劑作三服戎畜熱極深者手足厥冷則不宜此方當以下之也

茯苓半夏湯

茯苓去生姜取汁各一分半夏一錢
右剉麻豆大用水一盞煎至四分絞汁下

姜汁溫服

半夏橘皮湯

半夏泡如法陳皮湯浸洗去穢甘草炙人葎伏

苓 黃芩去腐心各一分葛根半兩厚朴去皮各一分

右剉麻豆大用水三盞生姜壹分切煎至壹盞半絞取汁分四服作一日食後溫服

黃連解毒湯

黃連須去黃蘗黃蘗 黃芩 大梔子各半兩

右剉麻豆大每服秤半兩水壹茶盞煎至

四分絞取汁溫服無時日三四以効為度
每一二服効或腹滿嘔吐或欲作利者每
服加半夏三枚全用厚朴二錢剉茯苓去皮剉水壹
盞半生姜三片煎至半盞絞汁溫服一名
曰半夏黃連解毒湯或欲急下者本方加
大承氣湯一服生姜煎如前法以利為度
一法為細末水圓如小豆大溫水下二十
圓治積熱 瀉痢甚良

瓜蒂散

瓜蒂 大小豆等分
右為細末以香豉半合豆豉也水一盞半煮
取汁半盞調下一錢匕不吐加服得快吐
乃止虛人不宜

大柴胡湯

柴胡去苗 大黃各半 黃芩 芍藥各一分
夏二錢枳實三錢 不去穰為効甚速下並同
右剉麻豆大分作二服每服水壹盞生姜
三片棗三枚煎至半盞絞取汁溫服未利

再服

大承氣湯

大黃錦紋 芒硝朴消自芒 厚朴去皺 枳實各
者 兩加甘草壹兩是名三乙承氣湯

右剉麻豆大分壹半用水壹盞半生薑三片煎至六分納消煎一二沸凡煎藥須慢火為一沸或言煎至幾分亦如絞去滓熱此法煎不可強火耗去其水也 服凡病熱鬱甚而冷服寒藥則病能拒藥多不能下故經曰寒因熱用未利再服熱

甚者此一劑分大半作一服未利再服少半熱更甚者一劑都作一服熱勢甚者亦可併此二劑為一服劑分劑為一劑為一料 方得利而効者臨時消息以利為度消息謂損益多少也 凡用藥多少倣於此耳

小承氣湯

大黃半兩 厚朴三錢 枳實三錢

右剉如麻豆大作二服每服用水壹盞生薑三片煎至半盞絞取汁熱服未利再服

或微下者壹劑分作二服或和胃氣不欲利者壹劑分爲四五服

調胃承氣湯

甘草 大黃 芒消 各半兩

右剉如麻豆大分一半用水一大盞煎至半盞絞去滓納消煎一二沸熱服不利再服

十棗湯

芫花 慢火炒 變色 大戟 甘遂 各等分

右爲散細末用水一盞肥棗十枚切開煮取汁半盞調下半盞匕強實人服一錢匕以意加減快利爲度

桃仁承氣湯

桃仁 湯去尖 雙仁用板搥碎 芒消 半兩 大黃 六錢 桂皮 去皴

甘草 各三錢

右剉如麻豆大分作三服每服用水一盞煎至半盞下消絞取汁熱服日三以微利爲度

抵當圓

水蛭炒 蠱虫炒 桃仁各八粒 大黃一錢

右為細末蜜和作二圓用水一小盞煮一圓至六分溫服晬時血未下者再服

抵當湯

水蛭炒 蠱虫炒 桃仁各十枚 大黃一錢

右剉如麻豆大分作二服每用水一盞煮半盞絞去滓溫服未下再服

茵陳湯

茵陳蒿去莖一兩 川大黃半兩 山梔子七枚

小者十枚

右剉如麻豆大用水兩盞半慢火煮至一盞絞取汁溫服六分未利再服四分以利為度勢甚者作一服未利再作以意加減當下如爛魚肚及膿血膠膜等物及小便多出金色如皂角汁或見證將欲發黃者此一劑分作四服每服調下五苓散三錢凡治發黃亢越此法也

世俗有傳烙黃而或愈者此強實之人素本中氣不衰而及濕熱鬱之微者烙之而誤中強劫開發得開氣血宣通卽作汗而愈或體質本虛濕熱結甚則劫發不開而反致死者不爲少矣莫若仲景法對證以藥治之則免致強劫不開而反悞人生命也及夫近世妄傳有寒極陰黃而內外急救其陽爲害多矣設若病微而悞中開發得愈亦以鮮矣而

傷生者不可勝言也大抵凡諸黃者有二一則濕熱極而黃萬物皆然又如麥秀而斂雨濕熱過極則黃疸者也及水滂而天氣濕熱則草木將死而色變黃者也或病血液衰則虛燥熱大甚而身面痿黃者猶亢旱而草木萎黃也夫病燥熱而黃者當退熱潤燥而已此傷寒濕熱極甚而發黃者開結退熱雙利大小腑以除水濕則利和而愈也

結胃而發黃者同陷胃湯各半服下之或
誤服巴豆熱毒負熱下之及損陰氣遂協
熱利不止而發黃者同大承氣各半服下
之亦有協熱利不止更或結胃而發黃者
用茵陳五分同陷胃湯三分大承氣二分
以下之或兩感發黃者本方加黃連解毒
湯一服急下之或頭微汗小便利而微黃
者濕熱微也宜此梔子蘘皮湯
大山梔子十五枚 甘草一錢 黃蘘半兩

右剉如麻豆大此劑則作二服每服水三
盞煮至壹盞絞取汁分三次作一日服

大陷胃湯

大黃 芒消各叁錢 甘遂末叁字

右剉如麻豆大一劑分作二服每服用水
壹盞煮大黃至六分內消煎一二沸絞汁
調日遂一字匕半溫服未快利再服熱惡
不能利者以意加服

大陷胃圓

大黃半兩 葶藶叁錢 芒消一分 杏仁十二箇 草微炒
 右大黃為細末下葶藶杵再羅研杏仁消
 如泥和圓如彈子大每服一員入甘遂末
 三字匕白蜜半匙水一盞煮至半盞溫服
 當一宿許乃下未利再服

小陷胃湯

半夏四錢 湯洗生 姜二錢 黃連二錢 括蕪
全用不到 實大者半箇惟到其殼子則不
剉或但用其中子者非也
 右以水三盞煮括蕪取汁壹盞半內餘藥

煮至壹盞絞取汁壹盞分兩次溫服以効
 為度

大黃黃連瀉心湯

大黃 黃連 黃芩 各一分
 一法加生姜一分 甚良

梔子湯

大梔子七枚 豆豉半合
 右以水兩盞煮梔子至一盞半內豉煮至
 半盞絞汁溫服

凡加者皆用梔子先煮

者止後服凡諸梔子湯皆非吐人之藥以其燥熱鬱結之甚而頓攻之不能開通則鬱發而吐因其嘔吐發開鬱結則氣通津液宣行而已故不須再服也

梔子厚朴湯

大梔子七枚厚朴半兩炙去粗皮枳實二錢

右剉如麻豆大以水一盞半煮絞汁半盞溫服

汗後

雙解散 普解風寒暑濕飢飽勞逸憂愁思慮恚怒悲恐四時中外諸邪所傷億覺身熱頭疼拘倦強痛無間自汗無汗增寒發熱渴與不渴有甚傷寒疫癘汗病兩感風氣雜病一切舊病作發三日裏外並宜服之設若感之勢甚本難解者常服三兩日間亦漸減可並無所損或裏熱極甚腹滿實痛煩渴譫妄須可急下者以大承氣湯下之參乙承氣湯亦妙也或

下後未愈或證未全或大汗前後逆氣或汗後餘熱不解或遺熱勞復或感他人病氣汗毒傳染或中瘴氣馬氣羊氣一切穢毒并漆毒酒毒食一切藥毒及墜墮打撲傷損疼痛或久新風眩頭疼中風偏枯破傷風洗頭風風癩病或婦人產後諸疾小兒驚風積熱瘡瘍疹豆諸證無問日數但服之周身中外氣血宣通病皆除愈

是防風通聖散加天水散各一半

防風 川芎 當歸切芍藥 薄荷葉淨

大黃 麻黃去根節 連翹 芒消別研各兩 石膏別研各兩 桔梗各一兩 滑石十五兩 白朮 山梔 子京介穗 甘草四兩 黃芩各一分 右為麤末每服五錢六錢水壹大盞半入葱白五寸塩豉五十粒生姜三片煎至壹盞濾汁去滓溫服無時日三四服以効為度常服三錢水壹中盞煎六分絞汁溫服不拘時兼夜四服設痊愈後更宜常服使病不再作新病不生並無過竟無問歲數

乃平人常服之仙藥也凡人已衰老則腎水真陰損虛卽風熱燥鬱甚精血涸竭枯燥而死但宜此藥扶補滋潤者也嗟夫世俗反以妄傳中年已上火氣漸衰止是虛冷更無熱病誤服熱毒之劑害人無數豈知識病之法全憑勝證以別寒熱陰陽虛實豈可以中年上下爲則耶此藥除孕婦及產後月事經水過多并泄瀉者不宜服或治雜病亦宜治風熱極妙一名通氣防

風散一名通解散

傷寒心要論

夫傷寒者前三日在表法當汗一可用雙解散連進數服必愈若不解者病已傳變後三日在裏法當下殊不知下之太早則表裏乘虛入裏遂成結胃虛痞懊懣斑疹發黃之証輕者必危危者必死但當以平和之藥宣散其表和解其裏病勢或有汗而未愈或無汗而愈常用二小柴胡涼膈天水三藥合而服

之病若半在表半在裏法亦當和解三小柴
胡涼膈主之若裏熱微者則當微下四大柴
胡合解毒湯主之熱勢未退五又以大柴胡
合三一承氣下之兩除表裏之熱病至七八
日裏証已甚表熱漸微脉雖浮數六則三一
承氣合解毒下之其病胃膈滿悶或喘或嘔
陽脉緊甚者七可用瓜蒂散涌之汗吐下三
法之後別無異証者八涼膈散調之病熱已
去微熱者以九益元散服之無令再病此傷

寒治法之大要也或傷風自汗脉浮緩者十
雙解去麻黃以汗之其病半表半裏十一白虎
湯和解之病在裏脉沉細者無問風寒暑濕
或表裏証俱不見或內外諸邪所傷有汗無
汗心腹痛滿譫語煩躁畜熱內盛但是脉沉
者並用十二承氣合解毒下之中暑自汗十三解
以白虎湯直格云夏至前爲濕夏至後爲暑
是以至後不用白虎宜乎局方云立秋後不
用白虎子和云若有白虎證亦不用乎却用

詳審之耳白虎解後四以五苓合天水調之
多進數服無妨或腹脹滿脉沉者五亦當承
氣合解毒微下之或發汗之後熱不解脉尚
浮者六白虎加蒼朮再解之或裏熱內盛陽
厥極深皆因失下而成此証以致身冷脉微
昏懵將死切不得以寒藥下之誤下即死又
一輩庸醫妄言是陰厥便欲換易用玄武四
逆溫熱之劑投之下咽立死殊不知此證乃
陰耗陽竭陰氣極弱謂之耗陽厥極深謂之

竭畜熱怫鬱將欲絕者當此之證寒劑熱劑
俱不可投但進涼膈解毒七以養陰退陽宣
散畜熱脉氣漸生得大汗而愈有無汗氣和
而愈者未愈却解毒合承氣八下之次以解
毒涼膈天水合而爲一九調和陰陽洗滌臧
府則其他別證自不生矣有人下之後熱不
退再三下之熱愈盛若下之不愈脉微氣虛
力弱不加以法則無可生之理若輟而不下
則邪熱極盛陰氣極衰脉息斷絕必不可救

似此之證是下之亦死不下亦死醫者到此
 殺人活人一彈指間其不至手足失措者幾
 希矣直格云傷寒汗後汗出不解或反不汗
 脉尚浮白虎加蒼朮湯再解之又按餘論云
 傷寒下後自汗虛熱不已白虎加蒼朮人參
 一服如神汗止身涼此通仙之法也如此則
 汗下之後熱不退不問有汗無汗迪宜白虎
 加蒼朮解之又加人參亦妙仍服涼膈解毒
 調之經云三下而熱不退者即死後人有四

五次下加生十數行而生者此乃偶誤中耳
 活者未一二死者已千百後學切不可以為
 法但當依前用解毒合涼膈調之使陽熱徐
 退陰脉漸生庶不失人命若傷飲不解散成
 結胃之證臨時擇用十二大小陷胃湯九累下
 之脉浮者不可下是表證未出小柴胡合小
 陷胃湯二十投之脉雖浮而熱大極者二十
 承氣徐徐疎或有留飲過度濕熱內生自利
 不止其熱未退二十解毒散治之陽毒生斑

四 二十涼膈加當歸佛爵熱盛在表燥而無汗
 溫熱在裏不能發於外相搏遂成發黃_{二十}
 茵陳湯調五苓散甚者_{二十}茵陳合承氣下
 之煩心不得卧_{二十}梔子湯快下太早遂成
 結胃虛痞_八二十涼膈加枳殼桔梗剛柔二症
 譫語發狂踰垣赴井皆陽熱極盛然_{二十}承
 氣合解毒下之汗下之後煩渴飲水則_{十三}涼
 膈減桂五苓甘露益元選而用之小便不通
 五苓泄之大便閉結承氣下之更有外證加

減通聖散方內隨證用藥婦人證治皆然惟
 孕婦三四月并七八月不用硝其餘月分用
 之無妨小兒減劑服之此中有古人治傷寒
 不傳不傳之妙後之學者其慎寶之

第一雙解散

防風通聖散

防風_去 川芎 當歸_焙 赤芍藥 大黃
 麻黃 連翹 芒硝_半 石膏 黃芩_去 桔
 梗_一 甘草_二 滑石_三 荆芥 白朮 梔子

二錢

右為散每服三錢袖珍方每服一兩水一盞薑三

片煎六分溫服大黃芒硝麻黃三味對証

旋入自利去大黃芒硝自汗去麻黃

天水散 益元 六一

滑石六兩甘草兩

右為末每服三錢溫蜜水調暑月冷水亦

可和解傷寒傷風發汗葱白九寸豆豉五

十粒煎一盞調四五錢并三服解利為度

加薄荷尤妙

通聖合益元右七兩和勻每服三錢水壹

盞半葱白五寸豆豉五十粒姜三片煎一

盞溫服

第二小柴胡涼膈天水合服

小柴胡湯

北芪胡三兩黃芩 人參 半夏 生薑

甘草 大棗一兩

右為散每服五錢

涼膈散

連翹二兩 梔子

大黃

薄荷

黃芩一兩

甘

草 芒硝

右為散每服三錢水一盞煎七分入蜜少許竹葉五片

第三涼膈合小茈胡

第四大柴胡合黃連解毒湯

大柴胡湯

柴胡去大黃半兩黃芩 白芍藥一分半夏七分

次二錢枳實主叁錢

右為散分三服水盞半生姜三片大棗一枚煎半盞溫服

黃連解毒湯

黃連 黃蘗 黃芩 梔子等分

右為散每服半兩水一盞煎五分溫服

第五大柴胡合三一承氣湯

三一承氣湯

大黃 芒硝 厚朴 枳實各半兩 甘草一兩

右剉每服二錢半水一大盞姜三片煎六分入硝再煎一二沸熱服

第六承氣合解毒湯

第七瓜蒂散

瓜蒂 赤小豆等分

右爲末豆豉湯調下一錢未吐再服

第八涼膈散

第九益元散

風

第十雙解散

第十一白虎湯

知母半兩 甘草兩 粳米一合 石膏四兩

右剉每服五錢水壹盞煎六分溫服

第十二承氣合解毒湯

暑

第十三白虎湯

第十四五苓散合天水散

五苓散

猪苓 茯苓 三錢 去皮 官桂 一分 澤瀉 兩 白朮 錢一

活人書叁分 宜明論半錢

右細末

第十五承氣合解毒湯

第十六白虎湯加蒼朮

第十七涼膈合解毒湯

第十八解毒合承氣湯

第十九解毒涼膈天水合

結胃

第二十大小陷胃湯丸

大陷胃湯

大黃 芒硝 錢叁 甘遂 三字

右剉四錢水一盞煎大黃六分內消再煎

一二沸內甘遂溫服未利再與

小陷胃湯

半夏 錢四 生姜 切 黃連 錢二 栝蒌實 半箇 全剉

右剉水三盞煎栝蒌至盞半內藥煎至一

盞分作兩服

大陷胃丸

大黃兩亭歷二錢芒硝錢一杏仁十二枚去

沙變色

右大黃為末研亭歷杏仁為膏圓如彈子
大壯遂末三字蜜半匙水壹盞煎半蒸溫
服壹丸一宿乃下未利再與

第二十一小茈胡合小陷胃湯

第二十二承氣湯

大黃者錦紋芒硝朴肖有厚朴去皴枳實各半

右剉如麻豆大分壹半用水一盞半生姜
三片煎至六分納消煎一二沸絞去滓熱
服

第二十三解毒湯

發斑

第二十四涼膈散加當歸

發黃

第二十五茵陳湯調五苓散

茵陳湯

茵陳兩一大黃兩半梔子十枚

右剉水二盞煎壹盞溫服利為度

第二十六茵陳合承氣

煩心不睡

第二十七梔子豉湯

梔子七箇豆豉二合

右水二盞先煮梔子盞半內豉煮半盞

第二十八五苓空腸煎涼膈加桔梗枳殼

剛柔二瘥

第二十九承氣合解毒湯

汗後煩渴

第三十涼膈減桂五苓甘露益元

甘露飲

茯苓 澤瀉 甘草 石膏 寒水石二兩

白朮 桂枝 猪苓半兩滑石四兩

右為末每服三錢湯調或新汲水姜湯尤

妙

右共十八方如無大承氣係第五三一承氣

代之亦妙通三十九件藥味調理傷寒曲盡
其妙百發百中後之學者詳辨脉證審而用
之起沉痾於以掌策奇功以活人方知其妙
也

新增病後四方

小半夏湯治汗下後嘔吐不已

半夏五兩 赤茯苓三兩

右剉每服半兩水三盞煎至一盞投姜汁
更煎一二沸

五味子湯治汗下後氣閉咳嗽

五味子半兩 麥門冬 人參 杏仁 陳皮

生姜一錢 棗子二枚

右剉每服二錢水二盞煎壹盞作二服

大橘皮湯治汗後胃虛

陳皮 甘草一兩 人參一兩

右剉每五錢水盞半姜二片煎至一盞溫
服

亦茯苓湯治胃膈滿悶頭痛已得汗者

陳皮 甘草 人參 半夏 川芎 白

木等分

右剉每服五錢水盞半姜三片煎一盞溫服

傷寒心要餘論

五藏六府應五運六氣凡病微則當其本化甚則兼其鬼賊之化亢則害承乃制微則是其本經本藏之本化造化之化也病甚則如金衰不能制木木則生火木火者皆陽也故風火

多兼化則風熱相搏賊其金也 藏府之氣

應乎三陰三陽實則行乎本化之氣瀉之衰

則行其勝已之氣瀉之是為殺其鬼賊也如

諸陽畜熱以涼膈合解毒服之解散極熱如

瀉火熱解毒調胃承氣是也如此法用二仙

散如調理傷寒白虎涼膈合服解之傷寒三

日以裏連進雙解如無汗必是傳變待三四

日之間以小茈胡解表裏之熱仍間服白虎

涼膈蘊熱七八日之間欲下而表證猶在以

大承氣湯大芫胡湯雙行并煎攻裏發表最爲穩當若是溫熱內甚自利者止涼膈却進解毒間白虎服之或惡心乾嘔吐者白虎大作一劑調解毒末五錢服之卽止大小便不通併有腹痛不能忍者以無灰酒煎朴消三兩熱服卽愈亦按從治之法也熱中伏寒下之矣或大承氣湯加木香瀉之尤妙傷寒失下始病時又誤服麻黃熱劑人甚必致熱極或有陽厥極深身冷脉微陽極似陰之證庸

醫以爲陰證是也須當急救其陰以白虎涼膈日進三服脉氣漸生身體漸溫然後以大承氣下之夫大承氣救急之妙劑如咽膈吐逆不利當令熱服開其鬱結利而卽愈也如傷寒汗下之後自汗虛熱不止於白虎湯加人參蒼朮一服如神汗止身涼此法至妙不容詳盡如赤白痢先服黃連阿膠九次服解毒湯傷寒瘡瘍破傷風與傷寒治法一同但以雙解涼膈白虎承氣臨時斟酌用之雙解

涼驅白虎瀉心此理傷寒之妙劑也孕婦臨月可服益元涼胎產後仍服如血不盡則以涼膈與四物合煎調理經血甚者大承氣合四物乃瀉中有補也涼膈同四物名玉燭散真大產後之妙劑涼膈四物合大承氣湯名三和湯大承氣合四物治婦人一切血積血聚等疾加紅花尤妙初生小兒五七日有熱證不得已只以益元散時時灌之如小兒夜啼用涼膈調之用飢臨睡服凡瘡瘍癰瘰涼

膈加當歸治之

東垣試效方

陰盛格陽

馮內翰叔獻之姪櫟童年十六病傷寒目赤而煩渴脉七八至醫以承氣湯下之已者藥而先師適從外來馮告之當用承氣先師切脉大駭曰幾殺此兒彼以諸數爲熱諸連爲寒今脉七八至是熱極也殊不知至真要大論云病有脉從而病反者何也岐伯曰脉至

而從按之不鼓諸陽皆然此陰盛格陽於外
非熱也趣持薑附來吾以熱因寒用之法處
治藥味就而病者爪甲變清頓服捌兩汗尋
出而愈朝賢多爲作詩紀之澤人王子正云
天地生萬物惟人最爲貴攝養忽有虧
能無觸邪氣廬扁不世出天枉迹相繼世道
交相喪適丁此彫弊醫學不師授迷津罔攸
濟難素何等物縱有徒充笥字畫尚未知矧
肯究其義頃年客京華知醫僅一二鎮陽隴

西公翹然出其類折節易水張提耳發其祕
竊嘗侍談塵窮理到幽遂吾友叔獻兄有姪
破菰戍頭痛飢復熱呻唵聲震地目赤苦煩
渴脉息八九至衆以爲可下公獨以爲未衆
皆以爲難公獨以爲易薑附投半斤駭汗淡
人背須臾煩渴止百骸泰其否健羨活人手
所見一何異脉理造精微起死特游戲公難
惡其名名焉豈能避喜爲知者言善誘不求
利我願超几筵執經請從事齋沐作此詩聊

以伸鄙意

誤服白虎湯變證

西臺椽蕭君瑞二月中病傷寒發熱以白虎投之病者面黑如墨本證遂不復見脉沉細小便不禁先師初不知也及診之日此立夏已前誤服白虎白虎大寒非行經之藥止能寒臟腑不善用之則傷寒本病隱曲於經絡之間或更投以大熱之藥求以去陰邪則他證必起非所以救白虎也可用溫藥之升陽

行經者難者云白虎大寒非大熱何以救君之治柰何先師曰病隱於經絡間陽不升則經不行經行而本證見矣本證見又何難焉果如其言愈

風寒傷形

靈壽縣董監軍癸卯年冬十二月間大雪初霽因事至真定忽覺有風氣暴至診候六脉俱弦甚按之洪實有力其證手攣急大便秘澁不通面赤面熱此風寒始至加於身也四

肢者脾也以風寒之邪傷之則搐急而攣痺
 乃風淫未疾而寒在外也內經云寒則筋攣
 正謂此也本人素飲酒近日為覺風氣不飲
 內有實熱乘於腸胃之間故大便秘澁而面
 赤熱內則手足陽明受邪外則足太陰脾之
 經受風寒之邪用桂枝甘草炙以却其寒邪
 而緩其急搐用黃蘗之苦寒滑以瀉實而潤
 燥急救腎水用升麻葛根以升陽氣行手足
 陽明之經不令遏絕更以桂枝辛熱入手陽

明之經為引用潤燥復以芍藥甘草專補脾
 氣使不受風寒之邪而退木邪專益肺也加
 人參以補元氣為之輔佐當歸身去裏急而
 潤燥和血名活血通經湯
 活血通經湯方

升麻 葛根 各一錢 桂枝 二錢 當歸身 一錢 人參

一錢 芍藥 半錢 炙甘草 一錢 黃蘗 二錢 酒製

右件咬咀都作一服水二大觥煎壹盞去
 滓稍熱服令暖房中近火摩搓其手一服

而愈

宣明論

麻黃湯治傷寒頭痛發熱體痛惡風無汗喘滿又治太陽病脉浮緊無汗發熱身疼八九日不解表證仍在此當發其汗其人發煩日暝必衄衄者陽氣重也

麻黃

一兩半

桂枝

一兩

甘草

半兩

杏仁

十二

枚湯浸去皮尖或溫病身煩痛小便自利者加白朮四分微汗之

右為末每服叁錢小壺煮半煎至八分去

滓溫服不計時候衣覆以取汗

大柴胡湯治諸服小柴胡湯證後病不解表裏熱勢更甚而心下急鬱微煩或發熱汗出不解心下痞硬嘔吐下利上屬太陽或陽明病多汗或少陰病下利清水心下痛而口乾或太陰病腹滿或無表裏證但發熱七八日脉浮而數脉在肌肉實而滑數者及兩感諸證可微下者雙除表裏之熱并陽明少陽合病下利日晡發熱如瘧

柴胡半兩黃芩一分芍藥一分半夏二錢
湯洗

片大黃兩半枳實錢
生用者是也兼不為効甚速下並同

右剉如麻豆大作三服水一盞半生姜棗

子同煎至半盞溫服如未利再服

小柴胡湯治傷乘中風其病半在表半在裏

筋脉拘急身體疼痛寒熱往來或嘔或嗽胃

脇痞滿硬痛下之前後無問日數及汗後餘

熱不解或無問瘟疫傷寒雜病蒸熱作癘并

兩感可和解者肌體羸瘦倦怠少力

柴胡參兩黃芩 甘草 人參各三錢半夏

一兩湯洗 五七次製

右剉如麻豆大每服五錢水壹大盞煎至

半盞生薑棗同煎不計時候溫服○臞仙

活人心柴胡四兩半夏一兩二錢黃芩一兩人

參一兩甘草半兩右剉如麻豆大每服五錢

生薑四片棗壹枚小一鍾半煎至八分去

粗溫服日三服 腹中痛去黃芩加芍藥

心下悸小便不利者去黃芩加茯苓二兩

胃中煩不嘔者去半夏人參加栝蒌實四分之二渴者去半夏加人參栝蒌根二兩脇下痞硬去棗加牡蠣 不渴外有微熱者去人參加桂枝一兩半溫覆微汗愈咳嗽者去人參加五味子一兩二錢半乾姜一兩亦去棗下生姜 寒熱往來經水不調去半夏加秦艽芍藥當歸知母地骨皮川芎白朮茯苓牡丹皮婦人虛癆發熱加蛤蚧赤茯苓 小柴胡湯與四物湯各

半名調經湯無孕嘔者加半夏無汗者加柴胡惡寒者加官桂有汗者加地骨皮咳嗽者加紫苑通經者加京三稜廣茂癆者加鼈甲婦人傷寒經水適來適斷發熱惡寒則語此爲熱入血室故寒熱如瘧小柴胡湯以主之傷寒過經不解胃膈滿而嘔晡發潮熱加芒硝壹兩衛生寶鑑傷寒四五六日蒸熱發作身熱或惡風或筋脉拘急身體疼痛寒熱往來或胃滿脇痛

或自汗四時俱用柴胡八兩黃芩人參甘草
各半夏參兩右五味每服五錢水壹盞
 半生薑五片棗子壹枚煎至八分去粗熱
 服不拘時候

五苓湯五苓散是也治傷寒中暑大汗後胃中乾
 煩躁不得眠脉浮小便不利微熱煩渴及表
 裏俱熱飲水反吐名曰水逆或攻表不解當
 汗而反下之利不止脉浮表不解自利或一
 切留飲不散水停心下并兩感中濕而昏躁

霍亂吐瀉驚風

猪苓去皮茯苓去皮白朮各半兩桂一分澤瀉為一兩
 右為末每服二錢熱湯調下愈妙加滑石
 二兩甚佳喘咳煩心不得眠者加阿膠半兩
 夏月大暑新水調服立愈

大承氣湯治表裏俱熱病勢更甚者陽明
良方病身熱日疼脉遲汗出不惡寒身重短氣不惡
 寒獨語如見鬼狀劇者發則不識人循衣摸
 牀惕而不安微喘直視陽明裏熱極甚或吐

下後不解大便五六日至十餘日日晡潮熱
心胃燥熱而懊懣復如瘧狀脉沉實或小便
不利大便乍難乍易喘冒不能卧或諸滿實
痛煩渴譫妄脉實數而沉裏熱燥甚腸胃怫
鬱留飲不散胃腹高起痛不可忍但嘔冷液
大渴反不能飲強飲不能止喘急悶者

大黃半兩芒硝半兩厚朴半兩枳實半兩

右剉如麻豆大分半水一盞半生薑三片
煎至六分內音納硝煎去滓服○袖珍方右

咬咀每服壹兩水二盞生姜三片煎至壹

盞去滓內芒硝通口服不拘時得効方大

黃四兩芒消三合厚朴半斤炙枳實一兩右

剉散每服五錢水二盃先煮厚朴枳實至

壹盃餘下大黃煮取八分去滓入消再煎

一沸温服以利爲度未利再服

小承氣湯治傷寒日深恐有燥屎腹中轉失

得効方乃可攻之不轉失得効方者必初硬

後溏未可攻之攻之則腹滿不能食飲水而

噦其後發熱大便復硬若腹大滿不通或陽明多汗津液外出腸胃躁熱大便必硬而譫語脈滑吐下微煩小便數大便結或下利譫語自得病二三日脈弱無太陽證柴胡證煩心心下結至四五日雖能食少少與承氣湯和之令小安

大黃兩半厚朴去錢參枳實錢參

右剉如麻豆大分作二服水壹盞生薑三片煎至半盞絞汁服未利再○得効方大

黃兩四厚朴去蘆皮枳實去穰右剉散每

服五錢水二盃煎至八分去滓溫服以利為度未利再服

調胃承氣湯治諸發汗和解不惡寒但發熱蒸蒸然者或日深心下溫溫欲吐胃中痛大便溇腹滿鬱鬱微煩先此時吐下者或日深裏熱譫語法當下之以銀粉巴豆燥熱大毒丸藥下之致真陰損虛邪熱轉甚因而協熱下利不止及表裏熱下之大早乘虛而入不

成結胃但為熱利不止心下滿鞭或痛煩渴
咽乾脉滑數而實諸腹滿實痛者煩渴譫妄
小便赤大便鞭脉滑實緊

大黃 芒硝 甘草 各等分

右剉如麻豆大分壹半水壹大盞煎至半
盞絞去滓內硝煎不利再煎服○得効方
右剉散每服五錢水二盞煎至六分去滓
下消再煎一沸温頓服之

桂苓甘露散 一名桂苓白朮散 治傷寒中暑

冒風飲食中外一切所傷傳受濕熱內甚頭
痛口乾吐瀉煩渴不利間小便赤澁大便急
痛濕熱霍亂吐下腹滿痛悶及小兒吐瀉驚
風

茯苓 一兩皮 甘草 二兩炙 白朮 半兩 澤瀉 一兩 桂 半兩

去石膏 二兩 寒水石 二兩 滑石 四兩 猪苓 一兩

右為末每服三錢温湯調下新水亦得生
薑湯尤良小兒每服壹錢同上法此藥下
神金丸止瀉利無不驗也并解內外諸邪

所傷劉庭瑞方不用猪苓或日三服不計
時候○御藥院方治飲水不消嘔吐瀉利
流濕潤燥宣通氣液水腫腹脹泄瀉不能
止者兼治霍亂吐瀉下痢亦白止煩渴解
暑毒大有奇効兼利小便桂去麋皮白茯苓
芩並去皮猪苓並去皮白朮別研寒水石別研甘草
炙澤瀉各一兩滑石別研右件入味爲細末
或煎或水調二三錢任意服之或入蜜少
許亦得

梔子藥皮湯治頭微汗小便利而微發黃者
濕熱相搏微也宜服

大梔子十五枚黃蘗半兩甘草一分

右剉如麻豆大水三盞煮至壹盞絞汁分

次作一日溫服之○袖珍方大梔子十五

藥皮五錢甘草一錢右咬咀水壹盞煎至八分

去滓通口服不拘時

梔子湯治懊懺煩心反傷不得眠燥熱佛鬱
於內而氣不宜通胸滿痛頭微汗虛煩

大梔子

七枚

豆豉

半合

俗言

鹽豉

少氣者

誤以

丸藥下之者如生薑半兩或及宜湯濯手足使心胃清熱宜散而已

右剉如麻豆大或先以水兩盞煮梔子至

壹盞半內豉煮至半盞絞汁溫服凡加者

皆用梔子先煮或吐止後服凡諸梔子湯

皆非吐人之藥以其燥熱鬱結之甚而藥

頓攻之不能開通則鬱發而吐因甚嘔吐

發開鬱結則氣通津液宣行而已故不須

再服也

大陷胃湯治汗下之後不大便五六日舌乾

而渴日晡潮熱從心下小腹鞭滿而痛不可

近脉當沉緊滑數或但胃結則無大段熱頭

微汗出脉沉濇者水結也

大黃

叁錢

芒硝

叁錢

甘遂末

叁字

右剉如麻豆大分作二服每服水壹盞煎

大黃至六分內硝一二沸絞汁調甘遂一

字七半溫服未快利再服勢惡不能利以

意加服

小陷胃湯治小結胃心下按之痛脉浮而滑
無大段熱表未罷不可下之下之即死水結
通宜

半夏四錢湯洗生薑二錢切黃連二錢對栝樓

實大者半枝惟剉其殼子則不剉俱用其中子者非也

右以水三盞煮栝樓汁壹盞半內藥至壹
盞絞汁兩次溫服以効

大陷胃丸治發陽而下之大早熱入因作結
胃者項亦強如柔痙狀下之則和也

大黃半斤葶藶叁錢微炒芒硝一分杏仁十二箇去皮尖雙仁

草灰炒變色

右大黃爲末下葶藶杵羅研杏仁硝如泥
和彈子大每服一九入甘遂末三字白蜜
半匙水壹盞煮至半盞溫服當一宿許乃
下未利再服

梔子厚朴湯治傷寒下後心煩腹滿坐卧不
安者

大梔子七枚厚朴半兩去皮炙枳實二錢

右判如麻豆大以水一盞半煮絞汁半盞
溫服○袖珍方右咬咀水壹盞煎至八分
去滓通口服不拘時

檳榔散治傷寒陰病下後大早成痞心下痞
滿而不痛按之軟虛也袖鈴方或解毒湯
調或寫心湯調

檳榔 枳殼等分

右爲末每服三錢煎黃連湯調下不計時
候溫服

涼膈散一名連翹飲子
亦有加減法治傷寒表不解半入

於裏下證未全下後燥熱怫結於內煩心懊
憊不得眠藏府積熱煩渴頭昏唇焦咽燥喉
閉目赤煩餒口舌生瘡欬唾稠粘謔語狂妄
陽胃燥澁便溺閼結風熱壅滯瘡癰發斑驚
風熱極黑陷將死袖珍方亦治
大人小兒○衛生寶鑑
表證不解下證未全或燥熱怫結心煩不得
眠煩渴頭昏唇焦咽燥目赤或便溺秘結證
輕者用涼膈散治之夏宜用之如春秋冬病
人舊有鬱熱者亦宜用之

連翹兩 山梔子兩半 大黃兩半 薄荷葉兩半 黃芩

兩半 甘草兩半 朴硝一分

右為末每服二錢水一盞蜜少許同煎至

七分去滓溫服虛實加之咽喉痛涎嗽加

桔梗兩 荆芥穗兩半 嗽而嘔者加半夏兩半 每服

生薑兩 參血衄嘔血加當歸兩半 芍藥兩半 生地

片同煎 黃兩 淋者加滑石兩四 茯苓兩一 風眩加芎

半石膏兩參 防風兩半 酒毒加葛根兩一 斑疹加

葛根兩一 荆芥穗兩半 赤芍藥兩半 芍藥兩半 防風兩半

桔梗兩半 三歲兒可服七八錢或氣熱甚黑

陷腹滿喘急小便赤澀而將死者此一服

更加大承氣湯約以下之得利者立効凡

言加者皆自本方加也以意加減退表裏

熱加益元散効速袖珍方一方熱 ○衛生

寶鑑石七味每服五錢水一盞半竹葉七

片蜜少許煎至八分去粗食後溫服

人參石膏湯治傷寒咳嗽不已心煩及風熱頭痛精神不利悒憤宜服

人參

二錢半

石膏

參兩

芍藥

半兩

半夏

參錢

白朮

茯苓

半兩

甘草

炙一兩

大梔子

參錢

知母

半兩

黃芩

錢參

右爲末每服一錢水壹盞生薑三片煎至六分去滓溫服之○袖珍方右咬咀每服一兩水二盞姜三片煎至一盞去滓溫服不拘時候

崔宣武人參石膏湯治傷寒頭痛心煩悶風熱并汗後餘熱自汗多清頭目定喘嗽

人參

二錢半

石膏

一兩

芍藥

二兩

黃芩

二錢

○袖珍

苓

參錢

甘草

半兩

防風

參錢

右爲細末每服五錢水一盞半煎至六分去滓溫服不計時候○袖珍方右咬咀每服壹兩水二盞煎至壹盞去粗溫服不拘時

雙解散治風寒暑濕飢飽勞役內外諸邪所傷無問自汗汗病雜病但覺不快便可通解得愈小兒生瘡疹使利出快亦能氣通宣而

愈

益元散七防風通聖散七

右二藥一處相和名爲雙解散益元散方在痢門通聖散方在風門各七兩攪勻每服三錢小盞盪半入葱白五寸搯鼓五十粒生薑三片煎至一盞溫服○袖珍方右二藥一處相和每服一兩水二盞生薑三片葱白五寸搯鼓五十粒煎至壹盞去滓通口服不拘時得効方益元散方見諸暑門三兩半

防風通聖散方見諸風門三兩半右一處和勻名雙

解散每服三錢水壹盞半生薑三片葱白五寸鼓二十粒煎至壹盞溫服北方此藥大效

白朮散治傷寒雜病一切吐瀉煩渴霍亂虛損氣弱保養衰老及治酒膈得効方袖珍方酒積嘔噎

白朮 茯苓去皮 人參各半 甘草一兩 木香半

一分藿香兩半 葛根兩

右爲末白湯調下二錢煩渴者加滑石二兩

甚者加絞汁得効方袖珍方加生姜汁續續飲之

四逆湯治傷寒表熱未入裏誤以寒藥下之
大早表熱不已入裏寒下利不止因表熱裏
寒自利急以溫裏利止又治少陰病脉沉下
利厥逆煩渴嘔吐

甘草一分乾薑一分附子半箇生去皮臍附子以半兩者佳小

者力弱大者性惡非稱方之宜也出但以美其大者未知古人之有則也
右剉如麻豆大水兩盞煮至壹盞絞汁温
服或畜熱深極而手足厥冷者不宜此方

當以下之

茯苓半夏湯治傷寒雜病一切嘔吐或喘嗽
疼痛痞滿頭痛者

茯苓一分半夏一分生薑一分

去皮一方加黃芩一分去腐 甘草一分紅皮一分
穰治風痰

右剉如麻豆大水一盞煎至四分絞汁下
生薑汁温服不計時候○袖珍方茯苓生
薑各一錢半夏一錢一方加黃芩甘草陳皮

各一錢

右咬咀水二盞至壹盞入姜汁少許食後
温服

御藥院方

治傷寒

水葫蘆丸生津液止煩渴利咽噎

人參 乾葛 紫蘇葉 各二錢 烏梅肉 木

瓜 甘草 各一錢

右為細末煉蜜和丸每兩作三十九每用

一丸緜裏噙化嚙津不計時候或新水化
服亦得

梅蘇丸止渴生津液

烏梅肉 白梅肉 乾木瓜 紫蘇葉 各

兩 甘草 半兩 白檀 二錢 麝香 研一

右為末入麝香勻入乳糖淨八兩蜜壹兩

同煉和為劑每兩作二十九每服壹丸細

嚼嚙津不拘時候或新化服亦得

沉香飲子治飲冷過多短氣喘促心胃妨悶

各一錢

右咬咀水二盞至壹盞入姜汁少許食後
温服

御藥院方

治傷寒

水葫蘆丸生津液止煩渴利咽噎

人參 乾葛 紫蘇葉 各二錢 烏梅肉 木

瓜 甘草 各一錢

右為細末煉蜜和丸每兩作三十九每用

一丸緜裏噙化嚙津不計時候或新水化
服亦得

梅蘇丸止渴生津液

烏梅肉 白梅肉 乾木瓜 紫蘇葉 各

兩 甘草 半兩 白檀 二錢 麝香 研一

右為末入麝香勻入乳糖淨八兩蜜壹兩

同煉和為劑每兩作二十九每服壹丸細

嚼嚙津不拘時候或新化服亦得

沉香飲子治飲冷過多短氣喘促心胃妨悶

不可思食

沉香兩半紫蘇葉兩二白茯苓一兩人參一兩
頭去皮

右四味咬咀每服五錢水壹盞半煎至壹
盞去滓時時服

神解丸治內外所傷骨節疼痛壯熱憎寒頭
疼身體拘急

朱砂研礪砂研黃蠟各等分

右鎔蠟和成劑旋丸如棗豆大每服一丸

冷水送下如人行一二里地以熱葱醋粥
投汗出解

六一散治身熱嘔吐泄瀉腸澀下痢赤白治
癰閉淋痛利小便偏主蕩胃中積聚寒熱益
精氣通九竅六府津液去留結消畜水止渴
利中除煩熱心躁治腹脹痛補益五藏大養
脾腎之氣理內傷陰痿安魂定魄補五勞七
傷一切虛損主癰瘡驚悸健忘止煩滿短氣
藏傷咳嗽療飲食不下肌肉疼痛治口瘡牙

齒疳蝕明耳目壯筋骨通血脉和氣血消水
穀保真元解百藥酒食邪毒耐勞役飢渴寒
熱辟中外諸邪所傷久服強志輕身駐顏延
壽及解中暑傷寒疫癘飢飽勞損憂愁思慮
恚怒驚恐傳染并汗後遺熱勞復諸疾并解
兩感傷寒能令偏身結滯宜通氣和而愈及
婦人下乳催生并產後損液血衰陰虛熱甚
一切熱證並宜服之兼不患妨發吹乳或已
覺吹乳乳癰頻服即愈乃神驗之妙藥也唯

有孕婦人不得服恐滑胎也

滑石

六兩 臙好者

甘草

一兩 微炒

右爲極細末每服三錢蜜少許溫水調下
或無蜜亦得無時日三服或欲冷飲者新
水調下亦得解利發汗煎葱白豆豉湯調
下四錢併三四服以効爲度此藥是寒涼
解散熱鬱設病甚不解多服無害但有益
耳

生姜附子湯治痰冷滯氣胃滿短氣嘔沫頭

痛飲食不消化亦主卒風

附子炮製去皮
臍細切

每服三錢小二大盞入生姜一十片煎至

一盞去滓溫服空心食前

四君子湯治煩熱躁渴

白茯苓去蘆 甘草微 白朮各等

右咬咀每服三錢水壹盞煎至七分去滓

放溫服不計時候

白朮散治諸病煩渴津液內耗不問陰陽服

之止渴生津液

白朮 人參去蘆 茯苓去皮 甘草炙 藿香葉

木香各一兩 乾薑二兩

右為麤末每服三錢水一大盞煎至七分

去滓溫服不計時候

福壽二味散

乾姜生 石決明各等

右為細末每用藥壹錢用男兒津唾於左

手心內調稀稠得所不犯婦人手

桂漿

生蜜叁斤熟水一斗赤茯苓去皮為末叁兩大麥蘖末

半兩細麴末半斤桂去麤皮為末叁兩杏仁湯浸去皮

泥研如

右用前項藥蜜杏泥并水一處攪勻了和

水共量得三大紅盃入於磁罐子大或磁

瓶內以油子封上用數重紙蓋泥固濟

入冰窖內三日方熟篩濾去滓冰浸飲之

化水丹消化水飲

牡蠣二兩燒甘草炒二兩蛤粉六兩川烏頭四隻秤重

一兩九錢炮去皮臍得淨一兩四錢六分

右為細末醋浸餛餅為丸如梧桐子大每

服十五丸不拘時候溫水下

荔枝膏

烏梅八兩桂一十兩乳糖二十兩生姜五兩取汁麝香

半錢熟蜜四兩

右用水一斗五升熬至一半濾去滓下乳

糖再熬候糖鎔化開入姜汁再熬濾去滓

俟少時入麝香用如常法服

牛黃七寶丹治傷寒時疫熱毒暑病心胃痞塞或發黃發斑狂躁迷悶及久經取轉不較蘊毒滯積潮熱

牛黃 研 龍腦 研 麝香 別研各半錢 朱砂 研二白錢半

麪 半兩 寒水石 燒通赤二兩半 輕粉 研半兩

右件同研勻滴水和作二十九丸每服一九澄清水化下小兒化半丸不拘時候

桂沉漿

紫蘇葉 烏梅肉 各一兩 沉香 三錢 乳糖 六兩

右件四味用水三椀熬至二椀濾去滓入桂漿一升半合和作漿飲之滲濕逐飲順氣止渴

桂苓白朮丸消痰逆止欬嗽散痞滿壅塞開堅結痛悶進飲食調和臟腑無問寒濕熱嘔吐瀉痢皆能開發以令遍身流濕潤燥氣液宣平而愈并解酒毒兼療肺痿勞嗽水腫腹脹泄瀉不能止者服之利止為度後以隨證

調之

乾生姜 棟桂各一 茯苓去皮 半夏各一 白

木 澤瀉 紅皮湯浸片去 穰各半兩

右為細末麵糊為丸小豆大每服二三十

九生姜湯下日進三服病在隔上食後在

下食前在中即不計時候或一法更加黃

連半兩 黃蘗二兩 水丸取効愈妙

桂苓甘露散消飲止渴去煩生津通利小便

桂去麤皮 茯苓去皮 白朮各半兩 甘草炒 澤瀉

寒水石 石膏各一兩 滑石二兩

右件為極細末欲冷飲者新水調下不拘時候或只以沸湯亦得

橙皮丸調中順氣生津止渴

沉香 白朮各半兩 木瓜乾者去皮 烏梅肉各一兩

橙皮去白焙 白茯苓去皮 糖霜各二兩 乾生姜

半二錢

右件搗羅為細末用甘草膏子和成劑每兩作二十五丸欲作渴用水化開寒熱溫

凉任意飲之欲噙化亦得

小柴胡加桂湯治瘧疾先寒後熱兼治支結

柴胡八兩 人參 甘草炙 半夏洗七次切 黃芩

桂片麓皮各三兩

右剉如麻豆每服抄五錢匕水一盞半生

姜七片棗二箇煎至八分去滓取六分清

汁溫服日三夜二若渴者去半夏加人參

栝樓根同煎服之

交解飲子治瘧疾辟瘴氣神効

肉豆蔻 草豆蔻 各二個各一介用水和

一介厚朴方二寸 一半用生薑汁塗 甘草

大者二寸一半炙 生薑 二塊如棗各一塊

塊生用

右件生熟各破剉碎同勻每服分一半用

水一碗煎至一大盞去滓溫服空心

七棗散治脾寒瘧疾

川烏頭大者一箇 炮良久移一處再炮

為細末都作一服用大棗七箇生薑十片

葱白七寸水壹椀同煎至一盞疾發前先食棗次溫服只一服差雖然烏頭性熱以七處炮熟散其熱性服之必効

柴胡栝樓根湯治瘧疾往來寒熱煩渴引飲

柴胡

去苗一分

黃芩

去黑心

人參

去蘆

甘草

炙

各三分

栝樓根

兩

判一

右五味搗篩爲麤末每服五錢水壹盞半生姜五片棗二枚同煎至壹盞去滓不計時候細細服

七珍散治瘧後及傷寒中暑後宜服此調胃養氣進食此方溫平不熱服之十日外飲食倍常

人參

去蘆頭

白朮

黃耆

山芋

白茯苓

去皮

粟米

微炒

甘草

炙已上各半兩

右搗羅爲細末每服二錢水壹盞生姜三片棗一介同煎至七分去滓食前溫服

草菓飲于治寒熱往來煩渴頭痛或但寒但熱方

類聚五十六

五十六

草菓子仁四八人參去蘆頭半錢半夏一十叁枚中樣者沸
湯浸洗甘草炙半錢大棗叁枚烏梅叁枚生姜一叁寸
一塊

右件咬咀用水一大椀同煎至壹蒸去滓
五更時溫服

瓜蒂散治太陽經頭痛寒熱方

瓜蒂枝川山甲鱗一片瓦上焙焦

右為細末每用一剗耳許右鼻內嚙大有
神効

治瘧方如合時具冠帶向神堂前旋看呪曰
弟子不為自身為五姓瘧病

白殭蠶一個直者切作七段用絲裹定燃為丸用朱砂為衣

右只作一服日未出面向東用左手掐寅
文用桃柳枝煎湯送下

薑朮湯溫和中外退除寒濕治陽虛裏寒外
挾風冷頭痛惡風戰慄多汗風濕相搏身體
疼痛腰背強直轉側不能又療食寒飲冷內
傷脾胃嘔逆吐痰不思飲食

川舊炮白木炒茯苓各一兩附子炮去皮臍甘草

炙各半兩

右為麤末每服三錢水一盞半煎至八分去滓溫熱服不計時候

丹砂丸治痰寒溫痺更作證候悉皆治之

丹砂研一分常山搗末三分

右件二味研勻煉蜜為丸如梧桐子大先一日一更時服三丸溫米飲送下更作日平旦時服三丸溫米飲送下

增損白朮散生津止渴順氣下痰醫方大成

經驗方袖珍方病後最宜服之

白朮 葛根 茯苓去皮藿香葉 人參

木香各一兩陳皮二兩乾生薑一錢

右為麤末每服五錢大成集方三錢水一大

盞半煎至七分去滓溫服不計時候或涼服亦得

百解丸解內外傷頭痛壯熱增寒腹脹喘癰

辰砂研半兩硃砂研一分巴豆去皮心膜黃蠟

兩半

右除黃蠟外同研令勻入前黃蠟溶開和成劑丸如菜豆大每服二丸新水送下後少時用熱粥投之汗出立愈

得効方 傷寒

撮要

轉下法凡轉下須體認得合下之證明白在陽明胃經則不拘日數過時失下則氣血不通四肢便厥不識返疑是陰厥復進熱藥禍

如反掌若少陰腎經太陰脾經下證悉具湯已更衣者止不須盡劑陽明病得利瘥慎不中服補藥熱氣得補復成更復下之是重困也宜消息安養之取吐法凡取吐服吐藥後不大吐則當以手指撻之便吐矣不吐稍增藥以吐爲度若吐少病不除明日再服吐藥可至再三但虛人宜少吐藥力過時不吐者啜熱湯壹升以助藥力不必盡劑吐訖便可食無復餘毒若服

藥過多者飲水解之

凡煎煮藥之法須用銀石器微火熟煮不可太猛表汗下之藥每服煎至八分對病藥煎至七分滋補藥煎至六分不可極乾亦不可猛火驟乾恐傷藥力去滓服後留滓再煎

陽證

麻黃湯 方見三因方 升麻葛根湯 金沸草散 方並見和劑
小柴胡湯 方見無求子活人書 大柴胡湯 方並見和劑
小承氣湯 大承氣湯 調胃承氣湯 方並見和劑

見官明論

三拗湯治感冒風寒鼻塞語音不出頭痛拘

倦嗽 方見咳門

敗毒散 方見和劑局方

陰證

治中湯 方見三因方 五積散 人參養胃湯 藿

香正氣散 方並見和劑局方 四逆湯 四逆散 方並見傷

寒論注

順元散此藥能溫內外感寒脉遲細沉伏手

足冷毛髮戰慄傷寒裏證大噉數盃手足溫
 汗出乃愈治氣亦効通血脉和一切氣無出
 此藥冒風濕手足緩弱不能動轉倒頭須數
 人扶策三服後次日能步履脫然方見諸風門
 三建湯方見癩冷門脉微身體冷重自汗嘔吐加
 丁香胡椒各半兩

瓜蒂散治手足厥冷脉乍緊邪結在胸中心
 中滿而煩飢不能食病在胸中當須吐之方見後

茯苓甘草湯治厥而心下悸宜先治水却治
 厥不爾水漬入胃必作利

茯苓 桂枝各二兩 生薑三兩 甘草一兩各細切
 右四味以水四升煮取二升去滓溫分三服

麻黃升麻湯方見傷寒論注解

和解

香蘇散一方加沉香名沉香飲子治四時傷
 寒傷風傷濕傷食大人小兒皆可服

香附子斤兩炒紫蘇去根二兩陳皮二兩廿

草二兩蒼朮二兩切片米黃

右剉散每服四錢水盞半生薑三片葱白

二根煎不拘時候得汗為妙頭痛加川芎

白芷北細辛荆芥穗每服各半錢咳嗽聲

重痰多涕稠加半夏苦梗烏梅各半錢桑

白皮七寸心疼加石菖蒲半夏各半錢泄

瀉木瓜藿香各半錢傷濕自汗時行暴瀉

生薑三片車前子一撮或用香附子陳皮

各一兩以石器滴酒炒黃色為散煎熱服

感寒濕日久腰脚疼行步難酒煎服或濕

氣久留脾疼身體與手足倦怠腹脹滿或

有氣上衝有類虛損實非虛損此主之食

積腹痛泄瀉葱白二根烏梅一箇併吞服

盧氏感應圓菜豆大三七粒方見積脚氣

每服檳榔木瓜大腹皮枳殼木香各少許

鹽酒水煎空心服感風宿食不化潮寒腹

痛作瀉惡風四肢拘急生薑三片烏梅一

箇葱白二根就服盧氏感應圓瘧疾桃柳
 枝七寸薤白二箇頭痛作惡加鹽少許男
 女冷氣加茱萸一撮食鹽少許婦人血氣
 加莪朮茴香烏藥當歸所加量病人虛實
 增減除香附子紫蘇加厚朴桔梗藁本各
 四兩名和解散乃平和之劑隨病用之
 香葛湯治四時感冒不正之氣頭痛身疼項
 強寒熱嘔惡痰嗽腹痛泄瀉不問陰陽兩感
 或風寒濕瘴服之大効

紫蘇根去白芍藥 香附子炒去毛 川升麻

白乾葛 薄陳皮各一兩 白芷 大川芎各半

兩蒼朮米泔浸切炒 大甘草半兩

右剉散每服四大錢水壹盞半生薑三片

煎熱服不拘時候如發熱無汗遍體疼痛

加葱白二根豆豉七粒煎熱服得汗即解

嘔去蒼朮加白朮數片藿香數葉中脘脹

滿大便秘加枳實檳榔各半錢有痰加半

夏半錢咳嗽加五味子七粒鼻塞加桑白

皮三寸腹痛加枳殼半片去穢切泄瀉加木瓜二片老人產婦嬰兒皆可服如傷寒不分表裏以此藥導引經絡不致變動其功非淺如熱多口渴心煩臟腑堅或加前胡無汗可加麻黃汗太過加麻黃根時行寒濕泄瀉頭疼發熱自汗大効

參蘇飲

方見和劑局方

冲和散

方見是齋醫方

小柴胡湯為用最多而諸家屢稱述之云云非小柴胡一劑孰能內和而外解之乎詳見傷寒

類書

淋家衄血家法不可汗亦可以此和解然而學者僅以小柴胡收効不遵格法輕用大柴胡立意一差禍不旋踵吁可畏哉又今人但聞小柴胡之藥多見棄而不服殊不知陰證似陽浮熱於外用之則誤人多矣的是陽證或半表半裏用之無不伐病所愧者醫之不審陰陽致使病家之惑聞者但當責之於醫不當輕議於藥方見無求子活人書

皮三寸腹痛加枳殼半片去穰切泄瀉加
 木瓜二片老人產婦嬰兒皆可服如傷寒
 不分表裏以此藥導引經絡不致變動其
 功非淺如熱多口渴心煩臟腑堅或加前
 胡無汗可加麻黃汗太過加麻黃根時行
 寒濕泄瀉頭疼發熱自汗大効

參蘇飲

方見和劑局方

冲和散

方見是齋醫方

小柴胡湯為用最多而諸家屢稱述之云云
 非小柴胡一劑孰能內和而外解之乎

詳見傷寒

類書

淋家衄血家法不可汗亦可以此和解然而
 學者僅以小柴胡收効不遵格法輕用大柴
 胡立意一差禍不旋踵吁可畏哉又今人但
 聞小柴胡之藥多見棄而不服殊不知陰證
 似陽浮熱於外用之則誤人多矣的是陽證
 或半表半裏用之無不伐病所愧者醫之不
 審陰陽致使病家之惑聞者但當責之於醫
 不當輕議於藥

方見無求子活人書

神木散 方見和劑局方

二香散治四時感冒冷濕寒暑嘔惡泄利腹痛瘴氣飲冷當風頭疼身熱傷食不化

紫蘇 陳皮 蒼朮 各一兩 香薷 去根二兩 香附

子 二兩半 厚朴 去麤皮薑汁拌炒 甘草 扁豆 各一兩

右剉散每服四錢水壹盞半生薑三片木瓜二片葱白二根煎熟服外感腫滿先以此多加車前子木瓜煎効

相類

痰證金沸草散治增寒發熱惡風自汗寸口脈浮胸膈痞滿氣上衝咽不得息頭不疼頂不强 方見和劑局方 大半夏湯 方見無求子活人書 瓜蒂散治胸有寒痰當吐之諸亡血虛家不可與服

瓜蒂 熬黃 赤小豆 各半兩

右為末取一錢匕豉一合湯七合煎去滓取汁和末頓服藥下咽便臥欲吐且忍良

久不吐取三錢匕湯二合和服之立便吐
倉卒無藥糟瓜頓喫亦吐

稀涎散治涎結胸膈作為寒熱飲食減少

猪牙皂角 圓白半夏 各一兩

右剉散每服三錢水壹盞半煎至七分去

滓溫服入咽便吐去涎即愈

食積治中湯治頭疼脉數發熱惡寒滿身不

痛左手脉平和名食積 方見三因方

虛人五積散人參養胃湯均可服 並方見和劑局方

重者香蘇散取五水一盞半煎去滓併吞服

感應圓二七粒未効再服 感應圓方見大小便門

虛煩竹葉石膏湯治惡寒身不痛頭不疼脉

不緊但煩熱名虛煩凡有熱不宜大攻之熱

去則寒起止宜服此 方見和劑局方 橘皮湯 方見三因方

溫膽湯治虛煩 方見虛煩門

脚氣加减小續命湯治身熱肢節痛頭疼大

便秘或嘔逆但卒起脚弱為異耳名脚氣 方見諸風門

諸風門

通治五積散性溫敗毒散性涼凡人遇些感冒對半雜和煎服名交加散亦多驗小小感冒因風雨寒冷所襲猝然得之正氣未耗邪氣未深用此先以助其正氣使益壯則邪氣自當屏散若倉卒藥未能辦只以葱白連鬚數莖豆豉一捻生薑數片水煎熱啜連進三兩蓋亦能發散若邪氣已入經絡及時行疫癘則須依經按法表裏汗下不可差殊戒之

方並見和劑局方

雙解散

方見宣明論

麻黃桂枝湯治厥陰傷寒煩滿發熱惡寒往來如瘧或囊縮其脉尺寸俱微緩者上之若脉沉短其囊必縮急以承氣湯下之可保五死一生承氣湯乃利陽明藥耳若病到厥陰其勢已甚蓋陽明養宗筋為熱毒所攻乃以承氣湯瀉其能養故利陽以救陰此猶假虞以伐虢圍魏救趙之意也太陽病得之八九日如瘧狀發熱惡寒熱多寒少其人不嘔清

便自可一日三二度發脉微緩者為欲愈也
脉微惡寒者此陰陽俱解也以其不能得少
汗出身必瘥宜服

桂枝四錢芍藥四錢麻黃去節杏仁十二个甘

草炙各半兩

右剉散每服五錢水壹盞半入生薑三片

紅棗二枚煎八分去滓食前服

白虎湯方見和局大青龍湯方見無求子活人書小青龍

湯方見傷寒論詳解溫粉方見三因方真武湯方見易簡方桂

枝二越婢湯方見傷寒論注解

小建中湯治陽脉濇陰脉弦腹中急痛服此
不差者小柴胡湯主之

芍藥參兩甘草炙一兩桂枝去麤皮一兩半

右剉散每服五錢水壹盞半生薑三片棗
子一枚煎八分去滓下膠飴一兩許再煎
化溫服兼治熱多寒少尺脉遲榮氣不足
血少故也加黃耆壹兩半尺脉尚遲再作
一劑寒傷榮甚至於弱倦昏沉加人參黃

者各一兩半効○醫方大成治傷寒陽脉
 濇陰脉弦腹中急痛法當先與小建中湯
 若不瘥者小柴胡湯主之桂枝去芍一芍
 藥三甘草兩生薑兩膠飴斤舊有微
 膠兩大棗六右剉每服五錢水盞半姜三片
 大棗一介煎八分去滓下膠飴兩匙許出
 煎化溫服尺脉尚遲加黃耆末一錢煎醫方
集成南此經驗方袖珍方同
 梔子升麻散治晚發傷寒三月至夏為晚發

梔子十枚擘升麻一兩生地黄半斤柴胡半斤

石膏各二兩

右剉散每服五錢水一盞半煎八分頻服
 病不解更作若頭面赤去石膏入乾葛二
 兩無地黃以豉代之

解肌湯方見無求子活人書

漢防已湯治風溫脉浮身重汗出

甘草多黃耆二兩漢防已四兩白朮兩
 右剉散每服五錢水一盞半生薑四片棗

子一枚煎一中盞飲訖乃坐被中汗出如虫行或被卧取其汗

白虎加蒼朮湯 方見無求
下活人書

葛根湯治傷風頭項強急身體反張屬太陽經先因傷風又感寒濕名瘧病外證發熱惡寒與傷寒相似但其脉沉遲弦細項背反張強硬如發癰之狀無汗惡寒名剛瘧有汗不惡寒名柔瘧此藥主之 方見后有汗桂枝湯加葛根
小續命湯治剛柔二瘧有汗去麻黃加葛根

方見諸
風門

大承氣湯治剛瘧仰目胸滿口噤其人卧不著席脚攣急咬齒與服得利則減極熱作瘧者難治 方見宜
明論

敗毒散治剛瘧加防風天麻黃芩全蝎各五錢生薑三片薄荷七葉煎 方見和
劑局方 仍用加味

壽星圓薑汁竹瀝湯服累用有效 方見諸
風門

附朮散 附子防風散 八物白朮散 方並
求子活

竹葉石膏湯 方見和
劑局方 附子細辛湯 方見

三因附子湯 方見傷寒論注解

四逆湯治傷寒表裏俱病名兩感一日與太陽少陰俱病頭痛口乾咽滿而渴二日少陽與太陰俱病腹滿身熱不食譫語三日少陽與厥陰俱病耳聾囊縮而厥兩病俱作治有先後先宜救裏臟氣內正急宜攻表救內固宜急而表亦不可緩也救裏宜四逆湯身體疼痛清便自調急當救表宜桂枝湯兩感傷寒古無治法惟證治論并活人書解仲景治

有先後之說皆云治有先後者宜先救裏內纔溫則可醫矣然後救表亦不可緩也以上所論並先救裏然後救表如下利不止身體疼痛則先救裏如不下利身體疼痛則先救表此亦謂之治有先後也兩感病亦有可活之理而不可必也 方見傷寒論注解

人參養胃湯 方見和劑局方 每用四錢生薑三片棗

子二枚煎吞服

來復丹 方見冷門 五十粒調和陰陽其病頓瘳

世無不可治之病醫不善醫信乎

葛根湯 方見三因方 脾約圓 方見無求子活人書 附子散

返陰丹 方並見三因方 四逆湯 當歸四逆湯 方並見傷

寒論 升麻湯 梔子仁湯 大陷胸湯 小

陷胸湯 方並見三因方 大陷胸圓 方並見三因方

治結胸灸法

巴豆 十四粒 黃連 七寸連皮用

右為末用津唾和成膏填入臍心以艾炷

其正腹中有聲其病去矣不拘壯數病去

為度纔灸了便以溫湯浸手怕拭之恐生

瘡○傷寒指掌圖黃連二寸許為末巴豆

七粒去殼研細入黃連末捻勻作餅子按

臍中以艾炷指頭大灸之輕者一炷重者

不過二三炷灸透熱氣入腹作聲取下惡

物愈急救仙方治傷寒結胸大黃連 七寸 巴

豆 十四粒 同為末津唾調餅子置臍中以

艾炷灸其上候熱透腹中方止不拘壯數

灸了卽以溫湯浸手怕拭之去毒此法屢

常救人

枳實理中圓 桔梗枳殼湯 三黃湯 半

夏瀉心湯 方並見 三因方

近効方治陽證結胸死無可藥者曲鱗活者

十一條 卽蛇也 插爛用蜜半盃水半碗灌服

無蜜用砂糖

丁香柿蒂散治欬逆 方見欬逆門 百合知母湯

滑石代赭湯 雞子湯 百合洗方 方並見 金匱方

玄參升麻湯 知母麻黃湯 黑奴圓 無

憂散 桃仁湯 方並見 三因方 白頭翁湯 方見傷寒 論注

黃連阿膠圓 治同上 方見泄瀉門 黃連解毒湯

方見無求 活人書 黃連犀角湯 雄黃兒散 方並見 三因方

四逆湯治傷寒寒厥或表熱裏寒下利清穀

食入則吐或大汗大吐大下之後四肢冰冷

五內拘急舉體疼痛不渴脉沉者 方見傷寒 論注

白虎湯治熱厥腹滿身重難以轉側面垢譫

語遺溺手足厥冷自汗脉沉滑裏有熱也 方

和劑 局方

大承氣湯亦治熱厥當觀病淺深量多寡飲之方見宜明論

黃連阿膠湯 文蛤散 三物白散方並見傷寒論

註解十棗湯太陽中風下利嘔逆表解者乃可攻

之其人漿漿汗出發作有時頭痛心下痞鞅

滿引脇下痛乾嘔短氣汗出不惡寒者此表

解裏未和也宜服方見咳抵當湯方見傷寒

吳茱萸湯方見無求苦酒湯方見傷寒

論注解

牡礪湯治發汗多頭眩汗出筋惕肉瞤

白朮 牡礪粉炒 防風獨莖者去蘆

右為末每服二錢以酒調下米飲亦可日

二三服汗止便服小建中湯方見前

陰旦湯方見千金方 大白朮散 回陽丹 正陽

散 肉桂散方並見無求 陽毒升麻湯方見

方 大黃散 五柔圓 葛根橘皮湯 知母

桂心湯 增損四物湯 化班湯方並見無

書

黃連橘皮湯治溫毒發斑

黃連四兩陳橘皮杏仁去皮枳實炙麻

黃去節葛根各二厚朴炙姜汁甘草各一

右剉散每服五錢水一小盃半煎至一盃

去滓服下利當先止

陽旦湯 竹皮湯 乾薑湯 青竹茹湯

當歸白朮湯方並見無求知母麻黃湯方見

方

應手方治傷寒舌出寸餘連日不收以梅花

腦子為末摻舌上應手而收當用五錢病

方愈

白朮散方見和又方白朮散方見宜蜜煎導

法 猪膽汁方方並見傷

蜜漬柏皮治口瘡舌潰爛右以大蘗去籠皮

蜜漬一宿合之吞汁勿絕差或用蜜炙焦

黃色研為末每服半錢傷寒指

傷風

桂枝湯治足太陽膀胱經傷風脈陽浮而陰

弱陽浮者熱自發陰弱者汗自出嗇嗇惡寒
洒洒惡風翕翕然發熱鼻鳴乾嘔又太陽證
宜汗其人失血及下利則類與服使體潤藥
藥連日當自解

桂枝

去芍藥各參甘草一兩

右剉散每服二錢水壹盞半生薑三片棗
一枚擘破共煎至七分去滓溫服不拘時
惟冬春初可行自春及夏至以前可加黃
芩半兩夏至以後加知母半兩石膏二兩

或升麻半兩若病人素虛寒者不用加減
無汗者不宜服之

杏子湯

柴胡加桂湯

桂枝芍藥湯

桂

附湯

八物湯

方並見三因方

時疫

十神湯

不換金正氣散

方並見和劑局方

桂枝黃

苓湯

方見三因方

敗毒散治冬合寒反煖春發溫疫

大柴胡湯治春合暖反涼夏發燥疫

五苓散治秋合涼反淫雨冬發濕疫

五積散治夏合熱反寒秋發寒疫 方並見和劑局方

蘇合香圓凡入瘟疫家先令開啓門戶以大

鍋盛水二斗於堂中心用二十圓煎其香

能散疫氣凡病者各飲一甌後醫者却入

診視不致相染

醫方類聚卷之五十六

五苓散治秋合涼反淫雨冬發濕疫

五積散治夏合熱反寒秋發寒疫方並見和劑局方

蘇合香圓凡入瘟疫家先令開啓門戶以大

鍋盛水二斗於堂中心用二十圓煎其香

能散疫氣凡病者各飲一甌後醫者却入

診視不致相染

醫方類聚卷之五十六